

Prome Minister Evelyn Wever Croes
**E lo desea pa freeze
edad di 62 aña pa
bay cu pensioen**

Lo crea un oportunidad pa drecha e ley aki,
p'esnan cu kier sigui traha

Pagina 2

138.850 kilo di clorhidrato di cocaína destina pa Aruba confisca

UN noticia cu a keda publica den e corant Panorama ta ilustra un cargamento di droga cu a wordo confisca y cual aparentemente tabata destina pa Aruba.

E medio di prensa aki ta menciona cu miembronan di Guardia Nacional di Maracaibo a confisca 138.850 kilo di supuesto clorhidrato di cocaína pega den 149 pieza di cerámica cu forma di cabay riba nan.

Autoridadnan concerni a bay tira un logra detaya di un vehiculo cu tabata transporta "encomienda", cualnan tabatin como destino final Aruba.

No ta wordo menciona cuanto persona a wordo deteni ni di unda e droga a bini y yega Maracaibo.

Riba e foto aki di PANORAMA por mira e cahanan cu a wordo confisca y e forman di ceramica, di cabay, den cual a smelt e droga



= exact

Business Processes
Marketing, Sales and Service
Logistics & Supply Chain Management
Reporting & Compliance
Planning & Production
Finance & Accounting
Project Management

**Solutions for Finance, Manufacturing,
Wholesale Distribution, Professional
Services, HRM, CRM and BPM**

**Supporting all
your business activities**

Our goal is to understand and anticipate your business requirements. It means that everything we do is geared towards equipping you with solutions that will help you succeed as markets evolve

VCC
International NV

Exact. And it all comes together. Tel: 583-7072 | info@vcc.int.com | www.vcc-int.com

Miembronan di TOPA ta disgusta cu DRH

Tin documentonan tranca for di 2013

Pagina 5

Na opinion di Prome Minister Evelyn Wever Croes

E lo desea pa freeze edad di 62 aña pa bay cu pensioen

Lo crea un oportunidad pa drecha e ley aki, p'esnan cu kier sigui traha

MINISTER di Asunto Social, Glenbert Croes a anuncia recientemente cu lo bay bin un discusion nacional tri-partite, pa baha edad di pensioen. E discusion aki ta uno entre Gobierno, Sindicatonan y Fondo di Pensioen.

Pero t'e mesun grupo aki, t'esnan cu a discuti esaki caba y a propone pa bin cu aumento di edad di pensioen, dicon awor nan kier cambia esaki?

Di otro banda Prome Minister Evelyn Wever Croes ta di opinion cu berdad tin un decision importante pa tuma y sigur mester discuti cua t'e mihor manera pa haci esaki.

E decision cu mester tuma, mester wordo carga pa tur gremio. E ta na favor pa bin cu un dialogo nacional, pero e mester wordo institucionalisa, esta pa hink'e den ley.

Reduccion di edad di pensioen sigur ta wordo carga pa tur partido, pasobra MEP, RED y POR ta na favor un rebaho di edad. Durante formacion di e actual coalicion a pone e decision aki "on-hold", pa busca mas informacion con lo por reduci edad di pensioen. Sigur e ta un tema hopi importante, pero den discusion cu Hulanda riba e situacion financiero, Hulanda a bisa Gobierno cu mester desisti di e plan pa baha edad di pensioen, segun Prome Minister Evelyn Wever Croes.

Pasobra pa sana e situacion financiero di Aruba, Hulanda no kier mira cu e Fondo di Pensioen ta bay core peligro.

Gobierno aki ta di otro opinion, pero Aruba no kier hay'e den problema cu Hulanda, maske Hulanda no tin nada di bisa den nos Fondo di Pensioen.

Aruba kier sana e situacion financiero y si por haci esaki cu Hulanda, ta prefera di no trece na discusion por lo pronto, ya loke bal ta un bon palabracion cu Hulanda pa cu saneamento di finanza di Aruba.

Prome Minister Evelyn Wever Croes a splica cu e aña aki, edad di pensioen a subi te cu 62 aña y siguiendo e tabel cu Gobierno mes a crea, cu cada aña e ta subi cu un aña, kier men cu otro aña lo por bay cu pensioen ora alcanza edad di 63 aña te ora cu e yega e edad di 65 aña.

Na opinion di Evelyn Wever Croes su deseo ta pa freeze edad di pensioen na 62 aña. Kier men lo desvia for di e ley di pensioen actual, unda ta duna cada persona e posibilidad di bay cu pensioen, te ora cu yega edad di 65 aña.

Pa despues haci e investigacion riba e reduccion di edad, y keda cla cu Hulanda riba e protocol pa sana situacion financiero di Aruba.

Ademas no ta tur hende kier ta di acuerdo pa baha edad di pensioen, y pesey mester studia esaki mas mihor, pero lo duna tur hende oportunidad di keda traha te cu 62 aña pa bay cu pensioen of kier keda te 65 aña.

Atrobe mester coregi Minister Andin Bikker

E t'e unico responsabel di a laga pedofil bay tempran!

Ken a firma su libertad trempan?

MINISTER di Husticia, mr. Andin Bikker t'e unico responsabel pa a laga un pedofil sali tempran p'e por sigui desgracia yiunan di hende.

Den siman atrobe comunidad a keda babuca pa a haya sa cu e homber pedofil a sali tempran di prison.

E Minister kier a schuif e eror aki riba un trahador di KIA, pero esaki ta ridiculo y incorrecto.

Segun maneho di KIA, un detenido cu pa motibo di bon comportacion of pa motibo di cu espacio di KIA no ta carga e cantidad di presonan,

Minister di Husticia t'esun cu ta firma e VI (Vroegtijdige Invrijheidstelling). Conoci como e trein bou di e presonan, VI ta un desicion puramente di Minister di Husticia.

Minister di Husticia, mr. Andin Bikker

kier schuif e eror di a laga pedofil sali tempran riba un trahador (cu vakantie). Nos lo desea p'e Minister di Husticia coregi nos redaccion, si nos bisa cu e unico responsabel den esaki ta su persona, pasobra cu unico persona cu tin e autoridad pa firma e VI (Vroegtijdige Invrijheidstelling) ta su persona.

No ta corecto pa core pa bo responsabilidad como Minister y bente den scochi trahador.

Menor di 9 aña laga su so den cas



Diadomingo algo promecu l'ordimerdia, mama preocupa ta bati alarma pa su yiu muher di 9 aña cu a wordo laga su so, cera na yabi den un apartamento na un adres na Pos Abou. Polis a bay hunto cu e mama na e adres aki y enberdad nan ta topa cu e mucha su so cera, na lock den e apartamento. Polis mesora a yama e tata y a pidi'e pa bin mesora

pa habri e porta di cas pa nan por saca e criatura aki.

Aparentemente esaki no ta prome biaha cu e homber ta haci algo asina, ta varios biaha e tata ta haci esaki. E agentenan policial na e sitio a tuma e caso aki hopi na serio y mesora a pidi pa presencia di Voogdijraad.

Polis mes a logra saca e

mucha for di bentana y a keda warda riba e tata y voogdijraad. E mama ta Voogd di e mucha y e tata tin un areglo di bishita cu e mucha. Polis a hiba e mama y yiu for di e sitio.

Tipo di casonan asina ta muestra cu poco-poco e ciudadanonan ta pone nan miedo un banda y haci denuncia di loke ta violacion di derechonan humano.

No mester cobra Fondo di Monumento BBO

Un caso largo cu a cuminsa na 2015 ora cu Inspector di Impuesto a dicidi di cobra Fondo di Monumento BBO a finalisa e luna aki den Hof cu un decision cu a cay na favor di e fondo. Fondo di Monumento a wordo cobra door di Inspector di Impuesto pa motibo cu e tin entrada y tin un fondo di reserva pa cual a consider'e un negoshi y cu e excepcion cu a wordo pidi pa motibo cu nan ta dedica na aspectonan cultura, e departamento ta haya cu nan no ta bini na remarca pa esaki.

E organisacion aki tin como meta renoba y mantene monumentonan na Aruba. Segun e cuentanananual di aña 2013 e actividadnan di e Fondo aki tabata principalmente compra, restauracion y maneho di monumentonan na Aruba, como tambe duna financiamiento pa restauracion, mantencion di edificionan (monumentonan), brinda servicio riba tereno financiero y administrativo, como tambe busca, maneha y pone disponibel recursonan pa destaho pa cual renobacion y mantencion di monumentonan na Aruba.

Den discusion ta si Fondo di Monumento por wordo considera un "ondernemer" manera cu ta wordo describi den ley di BBO. E otro pregunta tabata si esaki ta e caso, e lo ta un di e institutonan cu por bini na remarca pa exoneracion di pago di BBO door cu e ta wordo considera un institucion cultural. Si e haya exoneracion, e siguiente pregunta ta con grandi e suma di exoneracion ta.


Despues di haci un analisis profundo riba tur e preguntanan, Hof a yega na e siguiente conclusion. Fondo di Monumento si por wordo considera un "ondernemer" manera ta wordo describi den ley di BBO, pa motibo di e forma con su actividadnan ta wordo desplega y e forma con e tin su entradanan. Pero di otro banda, e por considera como un institucion cultural cu ta bini na remarca pa exoneracion. Ta papia di un suma di 250 mil florin cu nan por wordo exonera maximalmente. E pregunta e ora tabata si ta papia di e suma di exoneracion aki ta mensualmente of pa aña. Despues di analisa e ley, loke e Minister encarga a yega di bisa den Parlamento, Hof ta conclui cu e suma aki ta mensualmente pasobra BBO no ta wordo paga pa aña pero mensualmente.

Di acuerdo cu Banco Central tin un

Mehoracion marginal den finansa publico

Pero debe di Gobierno a conoce un aumento di 8.7 milyon florin

Diabierne ultimo, Banco Central di Aruba (BCA) ta publica



“State of the Economy” p’e prome trimestre di 2018. E publicacion aki ta duna un sinopsis di e desaroyonan economico local y internacional di e periodo aki.

E puntonan mas importante ta presenta abou, incluyendo un resumen di e indicadornan economico principal.

Den e prome trimestre di 2018, e sector turistico un biaha mas tabata e motor principal di e economia Arubano.

E mercado Mericano tabata esun mas importante p’e crecimiento den bishitante, mescos cu e tabata p’e ultimo 4 trimestre. Mientrastanto, turismo crucero tambe a presta fuerte. Cifranan preliminar ta muestra cu e sector turistico a registra un crecimiento di 11,2 por ciento den entrada.

Ademas, e tasa di ocupacion di hotel basa riba un promedio y e entrada hotelero pa kamber disponibel a resulta significamente mas halto cu e periodo correspondiente na 2017.

Indicadornan di consumo tabata mixto den e prome trimestre di 2018. Entradanan di impuesto a crece significante, relata na mas entrada di benta di negoshi (BBO) y impuesto riba importacion. Tin cu nota cu parti di e crecimiento a resulta dor di mehoracion den cumplimento y mihor inspeccionnan riba importacion.

Di otro banda, credito bancario na consumidornan ta muestra un bahada den consumo, cu caida den tur e componentenan di credito, pero primordialmente den prestamo personal.

Sentimentonan di consumidor a mehora un poco den e prome trimestre di 2018 compara cu e trimestre anterior, pero consumidornan a keda pesimista.

Finansa publico a mehora un poco, ilustra pa un caida den e deficit financiero y un tasa di debe stabiel.

E deficit mas chikito a resulta for di un crecimiento den entrada di Gobierno, pa un gran parti atribui na esfuersonan pa mehora cumplimento y cobranza di retrasonan, cu a supera e crecimiento den gastonan.

Debe di Gobierno a subi cu Afl. 8,7 milyon den e prome tres luna di 2018. Consecuentemente, e proporcion di debe cu PDB a alcanza na 85,8 por ciento na final di e periodo.

Apesar di e mehoracion marginal den e posicion financiero di Gobierno, Gobierno mester traha riba un fortificacion di e fundeshi.

Finalmente, e nivel di reserva di divisa neto a mehora cu 3,3 por ciento durante e prome trimestre di 2018, permaneciendo riba e normanan critico monitoria p’e Comision di Maneho Monetario (CMM) di BCA.

Indicador	2017T1	2018T1	Cambio
Entrada hotelero pa kamber disponibel (US\$)	301	333	32
Cantidad di turista (number)	263.565	274.955	11.390
Bishitante di crucero (number)	280.923	308.838	27.915
Permiso di construccion (Afl. milyon)	102,3	95,8	-6,2
Entrada di benta di negoshi (BBO) (Afl. milyon)	25,6	29,9	4,3
Impuesto riba entrada y ganashi (Afl. milyon)	76,9	84,5	7,6
Tasa di inflacion, promedio anual (porcentahe)	-0,7	0,0	0,7
Indice di confiansa di consumidor (di prome trimestre, punto di indice)	96,0	95,4	-0,6

Fuentenan: BCA, AHATA, ATA, CBS.

Miembronan di TOPA ta disgusta cu DRH

Tin documentonan tranca for di 2013

SINDICATO TOPA trasumamentedisgusta pa motibo cu nan no ta hayando reunion cu Departamento di Recurso Humano pa atende cu asunto di nan miembronan. Esaki ta relaciona cu promocion di miembronan cu no tin informacion di nan. Esaki ta loke cu Rene Bernabela a trece dilanti durante un conferencia di prensa teni siman pasa.

Durante e conferencia di prensa el a muestra un carta cu a wordo manda pa Departamento di Recurso Humano (DRH) dia 14 di maart ultimo pidiendo pa un reunion pa haya informacion di nan miembronan (rechtpositie) y te cu siman pasa no a haya contesta ni riba e carta cu a wordo manda dia 29 di maart ultimo. Pero ni un yamada tampoco, Bernabela a bisa. Ta trata di un lista di mas cu 10 miembro di e sindicato cu no tin ningun informacion riba nan posicion huridico.

“Ta cerca kende nos tin cu bay. Si e directora di DRH no sa di invita sindicato TOPA pa atende cu asunto di su miembronan, anto ta cerca e Minister encarga (Minister President) lo mi bay, pasobra mi no ta hayando atencion di DRH. E situacion ta serio, el a bisa, pasobra tin miembro cu a sigui cierto curso y a wordo priminti cu nan lo wordo subi di schaal,



pero nan a finalisa curso y hasta bay cu pensioen sin haya nan promocionnan necesario. Tin rond di 5 caso cu hasta a dicidi di bay Corte, unda e ambtenaarnan a haya rason, y cu DRH mester procesa e documentonan, pero ainda nan no a ehecuta decision di Corte. Asina tin diferente veredictonan di Corte cu a Sali na favor di ambtenaarnan pero DRH no ta ehecuta nan. “DRH ta para riba ley, pasobra no ta posibel cu Hues ta dicta na favor di e ambtenaar y nan no ta haci nada,” el a bisa. Un caso lamentabel ta di un miembro di sindicato TOPA cu ta traha na Gobierno, kende a pidi pa haya su promocion. A resulta cu esaki a tarda asina hopi pasobra no un biaha, pero 5 bes e Landsbesluit a wordo traha malo door di DRH. Debi na e problemanan aki TOPA a forma un

comision pa sinta na

mesa cu DRH. Y, el a bisa, niun momento ta e intencion pa nan sinta riba stoel di directora di DRH, simplemente kier sondea e motibo pakico no tin un solucion pa e lista largo di miembronan di e sindicato cu no ta hayando ningun reaccion riba nan documentonan. Tin casonan cu ta data di 2013 te 2018 y ta trata di casonan manera Landsbesluit, gratificacion, waarnemingstoelage y conseho cu DRH

mester duna relaciona cu sucedido na pia di trabou. P’esey nan kier sa con e maneho ta na DRH y con e situacion ta wordo controla, pasobra e miembronan ta sumamente rabia cu e falta di desaroyo den e procesonan.

“E problema aki no por sigui manifesta, p’esey nos a bay na Minister President kende a forma un comision pa sinta cu DRH. TOPA su representante ta un hurista cu a atende cu tur nos casonan.”

My Cool School

for a clean & germ free school year

GANA! pa bo school producto nan di limpieza pa e aña escolar nobo

CUMpra CUALKIER DOS (2) PRODUCTO DI CLOROX, PINESOL Y/OF GLAD. PONE BO DATOS NAN PERSONAL Y NUMBER DI SCHOOL CU TA NOMINA RIBA RECIBO Y DEPOSITA DEN BALLOT BOX DEN E SUPERMERCADO PARTICIPANTE OF NA OFICINANAN DI COMpra

Compra Ltd.
Ultimo dia pa participa ta 17 di aug.

Di acuerdo cu Prome Minister Evelyn Wever-Croes

Lo studia si por re-negocia e contrato cu ASTEC

Sin esaki ta wordo incalcula den prijs di comestible

MUDAMENTO di Haf di Container di Playa pa Barcadera, tabata un decision descabeya, esta sin un estudio debido a ser haci di ki impacto esaki lo tin. Asina Prome Minister Evelyn Wever Croes a duna di conoce den un entrevista.


ASTEC a firma un contrato cu Gobierno (anterior) cu ta bay hopi leu y cu no ta duna Gobierno mucho espacio pa impone p.e. decision cu ASTEC no por incalcula gastonan di compra di e fuel-oil pa alivia e situacion pa cu e trahadornan di haf.

E decision pa muda haf, sin haci e debido estudionan, pa determina si por traha ey prome, ta un decision hopi irresponsabel.

Gobierno aki a hereda un situacion cu no a pone e ser humano central, p.e. pakico un container cu sali for di Miami pa Corsou ta mas barata cu si mesun barco ey bin Aruba. Ta Mike Eman y Mike de Meza a duna ASTEC e consecion cu awe pueblo ta paga pe.

Gobierno aki lo investiga awor pa sa si ASTEC ta cumpliendo cu su contrato. P.e. e estudio haci di e impacto di e gas di WEB Aruba, unda a resulta cu e no ta dañino p'e trahadornan, pero awor Prome Minister Evelyn Wever Croes a duna di conoce cu no ta Gobierno a pidi pa tal estudio, pero ta ASTEC a laga un compania priva a haci un investigacion.

Tabata Departamento Natuur-en Milieu a



ASTEC a scoge pa bay cu e mudamento, segun Prome Minister Evelyn Wever Croes.

Ideal lo tabata negocia prome con e reparticion di e gastonan di e fuel-oil lo ta, pa despues dicidi kico lo busca e solucion. T'e Gobierno aki ta haciendo esfuerzonan pa baha prijs di awa y coriente y segun Prome Minister Evelyn Wever Croes, su deseo tabata pa baha prijs di awa y coriente prome cu 1 di juli, pero ta wardando ainda riba algun calculacion. E no manera cu Mike de Meza a bisa, cu el a laga un plan cla pa baha prijs di awa y coriente. Pero kier haci mas sensacion, loke ta di lamenta.

Prome di aumenta prijs di awa y coriente, WEB Aruba N.V., nan mester cuminsa na corta nan gastonan, e.o. stop di core auto di luho, cu ta ser cambia cada 2 aña. No biaha mas den Business Class cu tanto hende, manera Mike Eman tabata haci, segun Evelyn Wever Croes. Despues lo por evalua si un aumento di tarifa ta necesario.

duna su interpretacion di dicho investigacion pa Gobierno.

Lo studia con leu, Gobierno lo por re-negocia e contract cu ASTEC y ta debi na nan lo mester determina si kier sigui ey of no, sin perhudica e trahadornan. Ta



BO MESTER DI WASTE BUCKET RESIDENCIAL OF COMERCIAL?

ecotech aruba

YAMA

Mr. Bucket

594-3757
mrbucket@ecotech.aw

20 yrd Big Bucket

15 yrd Junior Bucket

10 yrd Small Bucket

Minister Bikker

Aruba mester un prizon nobo pero no sa con ta haya e fondonan

Durante e conferencia di diabierna ultimo Minister di Husticia a menciona na diferente ocasion e problema cu Aruba cu tin cu e prizon actual pa loke ta su capacidad. Urgentemente Aruba mester di un prizon nobo, el a bisa.

E mandatario durante e conferencia di prensa a haci un comparacion cu e isla di Boneiro, cu tin un poblacion di mas o menos 20 mil persona y tin un prizon cu capacidad pa 115 persona, mientras Aruba cu un poblacion di riba 115 mil persona tin un capacidad pa 259 persona. Cu e sucedido recien unda cu a laga un pedofiel liber prome cu el a caba di sinta su castigo, pa falta di espacio, ta pone comunidad realisa, segun Bikker, pakico cada biaha e ta menciona e necesidad di un prizon nobo. "Gobierno anterior den 8 aña no a percura pa amplia y modernisa e instituto aki. Ami cu e 9 luna cu mi ta cumpli den Gobernacion diligentemente a pone un taskforce traha riba esaki."

E reto, el a bisa, ta trata e aspecto financiero ya cu ta trata di un inversion bastante grandi pero ta yegando na un solucion pa esaki, cu ta construccion di un KIA nobo. E taskforce ta trahando riba e plan di un prizon nobo y e no a haya e "feedback" ainda cual ta nan sugerencia. Loke ta un hecho, e mandatario a bisa, ta cu e actual prizon ta practicamente riba beach cu tur e consecuencianan cu e saltpeter tin pa e instalacion aki. No sa si e sugerencia pa construi na e mesun sitio, pero esey no ta e reto. E reto ta bay ta e fondonan. Hunto cu su colega Otmar Oduber nan ta den combersacion cu AIB riba edificionan (duradero) necesario y tambe e

situacion di edificio di BSK, unda cu cuponan pa oficina ta hopi limita. P'esey ta buscando via AIB un financiamiento pa un KIA nobo hunto cu un sistema di mantencion.



TOPA ta boga pa respeta GOA prome cu Dialogo Social

Recientemente por a scucha Prome Minister Evelyn Wever Croes menciona cu Gobierno ta bay cuminsa cu Dialogo Nacional pa atende cu algun tema, manera esun di salario minimo. Esaki ta algo cu tambe a hala atencion di Rene Bernabela, presidente di sindicato TOPA.

Den e conferencia di prensa cu TOPA a tene siman pasa, Bernabela a bisa cu no mester lubida cu den ley di LMA (articulo 100 y 101) ta para un herment GOA (Georganiseerde Overleg Ambtenarenzaken) cu mester wordo uza den tur problema cu tin di haber cu empleadonan publico, esta un sistema di dialogo. "Esaki ta gefreeze pa basta aña caba. Gobiernonan a bini y bay pero e ley tey ainda pa wordo uza. TOPA

no ta compronde pakico Gobierno no ta bay via di GOA pa yega na un dialogo social. Nos a mira cu den pasado a bay via di e Dialogo Social cu tabatin envolvimento di gremionan cu no tin nada di haci cu e ambtenaar. Gobierno anterior a papia cu gremionan di sector priva cu no tin nada di haber cu funcionamiento di e ambtenaar. Ora cu papia riba con e funcionamiento ta di ambtenarij, meste papia cu e sindicatonan cu ta representa e ambtenaarnan," el a bisa. El a agrega cu tur e problemanan cu tin awendia encuanto pensioen y otro temanan cu a bay totalmente for di man y a perhudica e ambtenaarnan ta danki na e Dialogo Social. Tur esakinan mester a wordo trata via di GOA y nunca a uza e cuadro aki.

CORIENTE TA INDESPENSABEL

Ultimo dia pa paga recibo di corriente di luna di juni 2018 ta:

DIAMARS - 14 augustus 2018



HACI BO PAGO ONLINE!

Mas facil, mas conveniente.

CON?

- 1** CONTACT BO BANCO
- 2** RICIBI INFORMACION DI CON PA PAGA ELMAR
- 3** MAS CONVENIENTE



! Tene cuenta cu e ultimo dia di paga recibo ta conta pa pago online tambe.

Pa mas informacion tuma contacto cu **Customer Service** na **523 7100** of mail na **customerservice@elmar.aw**



Minister Bikker:

Pa e aña'ki no ta bay duna libertad adelanta mas basa riba articulo 37

Durante e conferencia di Prensa teni diabierna ultimo, Minister di Husticia a papia entre otro riba articulo 37 cu ta permiti cu un preso por bay cas prome cu e caba di sinta su castigo. A dicidi cu no ta bay haci uzo, e aña 'ki mas di e provision cu articulo 37 ta duna ora cu KIA ta sobrepobla.

E articulo ta splica e condicionnan cu un preso por wordo laga liber prome cu tempo. Un di nan ta por ehempel ora cu tin un sobrepoblacion den KIA, cu no tin mas espacio, por laga presio bay mas tempran cu nan caba di sinta e 2/3 parti di nan castigo. E articulo aki riba su mes tampoco ta haci distincion riba ki tipo di crimennan a wordo cometi. "Solamente e ta bisa cu esnan cu ta bini na remarke ta esnan cu ta den haya su libertad. Esnan cu ta den cumpli e 2/3 parti di su castigo automaticamente ta aparece den e sistema como e siguiente pa sali liber."

Debi na e situacion aki e mandatario a bisa cu e lo sinta na mesa cu Ministerio Publico pa trece cambio den e ley. Mesora su pensamiento ta bay riba loke a wordo haci na Hulanda, unda cu a cambia e ley aki dos biaha caba y hasta aworaki

kier elimina e parti di libertad despues di sinta 2/3 parti di castigo. Un cambio asina, e mandatario a splica ta encera cu mester haci cierto adaptacionnan. Loke si mester haci sigur ta construi un KIA nobo, sigur cu mas cel di e 259-nan cu tin aworaki cu no ta suficiente pa alberga tur esnan cu ta comete crimen. Pa esaki ya caba tin un taskforce institui pa traha riba e plan aki. E mandatario ta kere cu mester yega na minimo 300 cel. "Naturalmente e retonan semper ta keda e fondonan. Pesey semper hopi biaha mi ta splica cu e deseonan ta hopi pero e fondonan ta limita. Y pa bay traha un KIA nobo ta cos di basta miyon florin cu gobierno no ta dispone aworaki cu tin retonan grandi. Gobierno ta trahando pa soluciona esaki diligentemente, pero no ta algo cu ta bay sosode di un dia pa otro y p'esey mi kier bin cu e cambio di ley," e mandatario a bisa.

El a menciona tambe e Ordenanza Landsverordening Penitenciaire Beginselen cu ta permiti un control electronico. Por manda un persona cas, si KIA ta bou di presion di sobrepoblacion, y ta bisti manera un pulsera (na man of na su pia) e ora e ta haya cas pa prizon obligatorio sin cu e mag bay ningun otro caminda, e por bisti un banchi electronico na su pols mientras e ta cumpli e tempo cu su castigo cu falta. Pero articulo 37 tambe ta permiti e Minister pone un stop na e libertad adelanta aki. Por pone un plafond via di un Decreto Ministerial cu ta bisa te cierto cantidad di persona por bay den libertad tempran pa aña. Esaki ta algo cu e mandatario ta bay traha riba dje otro siman, en espera di e cambionan di ley cu e kier introduci. Via e decreto ministerial lo no tin mas libertad adelanta den 2018, esta prome cu nan caba di sinta e 2/3 parti di nan castigo.

Den e ley nobo tambe e mandatario kier kita e sistema of e procedura pa firma pa libertad adelanta. Na Hulanda no ta e Minister di Husticia ta encarga mas cu esaki. E mes ta kere cu ta algo cu por pone den man di Corte of Ministerio Publico, como e mihonan pa dicidi riba e asuntonan aki.

A haci un apelacion na Departamento di Legislacion di Gobierno pa acelera e parti di control electronico. E fondonan pa e aspecto aki a wordo poni den presupuesto 2018 y solamente falta pa pone e base legal cu ta permiti Aruba ehecuta e sistema aki. E intencion ta pa introduci e Ordenanza aki cu su decretonan dia prome di september di e sistema "Bo cas ta bira bo prizon". Pero cu e sistema aki, e preso ta sali bou di cierto condicionnan y e ta wordo vigila door di Reclassering y si e no cumpli e ta wordo deteni bek, manera a sosode recientemente.



Minister Dangui Oduber ta informa cu

Informacion circulando relaciona cu Zika NO ta cuadra cu realidad!

MINISTER Dangui Oduber ta lamenta profundamente con websitenan local ta hunga cu nos unico pilar economico y ta crea panico innecesario relaciona cu e noticia di Zika. Ta parece cu cueste loke cueste kier kibra nos economia. Minister Oduber a keda completamente asombra diasabra atardi despues cu nan a tuma nota di informacionnan incorrecto cu Center for Disease Control CDC recientemente a publica riba su website. Lista CDC

Desde e outbreak di ZIKA na fin di aña 2016 CDC a traha un lista di tur e paisnan na mundo unda Zika ta circula. Tur pais/isla cu tabatin Zika a wordo poni ariba e lista aki pa seguridad di hende muhenan na estado.

Zika a bira endemico na tur e paisnan aki, esaki kiermen cu Zika ta keda circula unabes introduci na e pais. Kico e paisnan aki mester aplica ta prevencion. Dus duna tur e informacionnan necesario na e biahero (den e caso) encuanto e situacion di Zika. Pero tambe duna e informacion aki encuanto casonan di Zika na e organisacionnan.

Na 2016 y te na mita di 2017 DVG a keda manda informacion na ATA encuanto

e situacion di Zika pa asina informa e turistanan encuanto esaki. E informacion aki ta importante pa e keda activo, asina e biahero por wak cu tin accion ta wordo tuma pa evita cu e biahero por wordo infecta cu e virus. Tambe ta existi un programa cu e hotelnan pa nan ta liber di criadero. Locual Aruba por haci ta keda transparente cu e informacion encuanto Zika.

Akinan ta na unda International Health Regulations (IHR) ta un tool hopi importante pa uza. IHR ta exigi si tur pais pa na ta transparente den nan informacion encuanto Zika. Si keda transparente lo no stroba e trafico di hende of comercio. Enberdad e noticia aki no ta nobo, pero



tampoco e ta di alerta pasobra Aruba no ta den ningun situacion di epidemia of alerta pa cu Zika. E ta un noticia bieu.

Mester remarca cu CDC ta publica e mesun informacion pa varios otro isla den

Caribe incluyendo Barbados, Boneiro, Corsou, Nevis, Saint Lucia y US Virgin Islands (USVI).

A.T.A. lo continua cu esfuersonan pa comunica desaroyonan debidamente na bishitantenan como tambe socionan den turismo. Ademá, ta bon pa remarca cu no obstante e outbreak na 2016 y djey continuacion di e fenomeno aki, den sector di turismo e impacto a ser mitiga y turismo di Merca – mirando cu ta papiando aki di CDC cu ta un organo Mericano- a crece cu 10.6% na 2017 y ta creciendo cu 7.4% te cu awor. Tambe mester remarca cu publicamente CDC no a publica nada referente e noticia cu a sali diasabra ultimo localmente.

A.T.A. ta sigui monitorear e situacion di cerca y lo sigui ta den contacto estrecho cu Ministerio di Salubridad y e departamentonan concerni. Departamento di Salud Publico Aruba tin cu informa comunidad cu actualmente na Aruba nos no ta experienciando ningun brote di Zika tampoco Dengue ni Chikungunya. E informacion publica pa CDC unda ta duna e impresion aki no ta cuadra cu realidad.

Actualmente Ministerio di Salubridad Publico ta den combersacion cu e expertonan di e programa World Mosquito Program pa bini cu miho formanan pa preveni e tipo di criaderonan aki.



LENNOX VRF

inside Lennox® innovation
DUCTLESS MINI-SPLIT SYSTEMS

INVERTER TECHNOLOGY

LENNOX

QUALITY PRODUCTS- QUALITY ADVICES - QUALITY SERVICES

FERTEC NV
AIRCONDITIONING-REFRIGERATION - PARTS

CAYA ERNESTO PETRONIA 45
5882860 - 5633766
FERTECNV_MFER@OUTLOOK.COM



LENNOX

Has anyone ever told you that your air conditioner is beautiful?

75°

72°

* ENERGY EFFICIENCY - UP TO 26 SEER
* SOUND RATING - AS LOW AS 59 DB
* SOLAR POWER CONNECTION
* ENERGY SAVINGS GUARANTEED
* 24/7 AIR CONDITIONING FOR LESS THEN AFL. 250 A MONTH

REDUCE HEATING AND COOLING BILLS BY UP TO 1/2

INVERTER TECHNOLOGY

Polis a detene un homber cu tin habitantenan den area di Noord cansa cu su hortamento

DIADOMINGO merdia den careda di 12'or y 15, presencia di Polis a wordo pidi na un supermarket situa na Saliña Cerca, pa un caso di ladronicia.

Na yegada di Polis, e doño di e supermercado a laga e agentenan policial mira e grabacion di su camaranan di seguridad. Mesora e Polisnan a reconoce e persona kende a horta un bril, tabata trata di G. Perez, kende ta un cliente permanente di husticia.

Algun minut mas lat e conocido di Polis di G. Perez, ta wordo deteni dilanti di un cas pazuid di Wanshin Supermarket na Washington. E Polisnan mesora a pidi transportwagen pa bin busk'e.

Na momento cu Perez a keda deteni, el a cuminsa ta bisa: "Coy loco hendenan ta haci pasobra el a horta un bril."

Segun su persona ayera nochí mes e lo ta bek riba caya.

Un persona presente a pidi Polis pa tene mas tempo cera, pero lamentablemente esey no ta den man di Polis, sino den man di Fiscal.

Un habitante hopi fada di Perez su hortamentonan tabata grit'e: "Bo no ta cansa di horta?"

Perez a wordo transporta cu transportwagen di Polis pa Warda di Shaba, pero si el a keda deteni, no ta conoci, of un rato despues manera el a bisa, e lo ta riba caya atrobe.






HERMUS RIJSCHOOL NV
 5943263 / 5826732
 Hermusrijkschoolnv.com
 Sividivi 1-C

Afl. **191**

Man den man trahando comunidad


KPA y Kustwacht trahando hunto pa un bon causa

NO ta solamente ora ta trato di casonan hudicial riba lama of tera, pero ora ta trata di trabou boluntario tambe union ta haci forsa.

Recientemente Cuerpo Policial Aruba conhuntamente cu Kustwacht tabata eherciendo trabounan hunto pa nos comunidad.

Graf Von Zinzendorf tabatin mester un man extra pa muda dos klas. Personal di Kustwacht y KPA no a nenga pa yuda. Man den man trabounan tabata ser haci p'asina yuda e scol aki muda 2 klas prome cu aña escolar nobo inicia.

Trabounan den conhuntio pa nos comunidad t'e muestra cu union den organisacion hudicial semper ta posibel. Yudando nos comunidad t'e tarea principal tanto den combati y proteha. Cuerpo Policial Aruba y Kustwacht ta traha hunto riba tereno di combati criminalidad tanto riba lama of tera. Den union semper nos por logra mas.



OPENBARE VERGADERING OP 16 AUGUSTUS 2018
9:00 UUR M.V. IN DE VERHADERZAAL VAN DE STATEN VAN ARUBA

TE BEHANDELEN ONDERWERP

AGENDA:

1. Ontwerp-landsverordering tot vaststelling van de brgroting van het Tourism Product Enhensment Funt voor het Dienstjaar 2018
2. Ontwerp-landsverordering tot vaststelling van de brgroting van Dienst Openbare werk voor het dienstjaar 2018

De Griffier,
mr.drs. Herman Ch. J. Hek

ATENCION

TRABAONAN DI COBAMENTO Y
TIRA KABEL BANDA DI CAMINDA

En conexion cu trabaonan necesario, N.V. ELMAR ta informa cu lo cuminsa cu trabaonan di cobamento y tramento di kabel di tension halto banda di caminda:

Area: Aeropuerto Reina Beatrix te cu Retonde Las Americas dilanti di Cas di Cultura.

Fecha: 13 di augustus 2018 te cu 16 di october 2018

Durante e trabaonan menciona lo tin desvio di trafico. Esaki lo wordo haci cu cooperacion di Polis.



Den caso di emergencia, por yama nos Departamento di Storing na 523-7147.

Pa mas informacion yama 523-7100 of e-mail nos via customerservice@elmar.aw

Chauffeur burachi a causa accidente cu herido


Diasabra anochi laat, algo prome cu mey anochi polisnan a bay crusada na Bubali altura di Yami Yami. Eynan un accidente di auto a sosode.

Un agente cu tawata cerca mes ora a bay mira si tur hende ta bon, y a constata cu un tin un dama herida.

E accidente tawata entre dos auto, un pick up Mazda y un Hyundai Accent. Ambos a auto a haya basta daño.

Chauffeur di e pick up mes ora a wordo deteni, mirando cu e tawata basta burachi y no por a ni papia bon. Despues cu transportwagen a baha e chauffeur burachi, el a bolbe bek pa busca un otro persona mas.

Mientrastanto ambulance tawata na caminda pa e dama cu tawata herida, y lo tawata sinti su culpa basta malo. Na yega di ambulance paramediconan a opta pa transporta e dama pa hospital, pa por haya mas tratamiento.




B&P/INTERFACE ARUBA N.V.
Consultancy and Training

Upcoming Training Schedule



We're pleased to announce the training schedule for the months of August through October 2018. We can also provide these training sessions, as customized In-Company training.

- Managing Disciplinary Actions (August 13)
- Emotional Intelligence EQ (August 16)
- Supervisory Skills Basic (August 21)
- Warehouse & Logistics Advanced (September 8)
- Purchasing & Inventory Mgmt. Advanced (September 8)
- Dealing with Difficult People (September 12)
- Labor Law in Aruba (October 1)
- Effective Leadership (October 8)
- Human Resources Management (TBA)



facebook.com/bpinterface

For additional information and registration please contact us!
 Email: bpinterfaceua@setarnet.aw Tel: 594-5533 / 587-7850

Like us



Your future. Now open.



Unlock your potential for growth by helping the world's most dynamic organisations unlock theirs. At Grant Thornton, we're looking for people who are looking for tomorrow's solutions. For our office in Aruba we have the following opportunities:

Tax Assistant

As a tax assistant, you assist the Senior Advisors in the preparation of tax advice.

Brand & Communication Officer

As a Brand & Communication Officer you'll be continually enhancing our brand image and implementing our communication and PR strategy.

Assistant Manager IT Audit

You are responsible for the implementation of IT and operational audits, Revenue Assurance, Risk Management and consultancy assignments.

Associate Audit

As an Associate you conduct audits of financial statements in accordance with applicable accounting and reporting frameworks.

For more detailed information about each opportunity, visit our Facebook or LinkedIn page, or send an e-mail to recruitment@cw.gt.com before 30 August 2018.

To explore your opportunities, visit us at:

www.linkedin.com/company/gt-dutch-caribbean

www.facebook.com/GrantThorntoninAruba



Grant Thornton | An instinct for growth™

Audit | Tax | Advisory

© 2018 Grant Thornton. All rights reserved. Grant Thornton in Aruba, Bonaire, Curaçao and St. Maarten is a member firm of Grant Thornton International Limited (GTIL). GTIL and the member firms are not a worldwide partnership. Services are delivered by the member firms. GTIL and its member firms are not agents of, and do not obligate, one another and are not liable for one another's acts or omissions. Please see www.grantthornton.com.cw for further details.

Situacion Venezuela empeorando

Benta di crudo Venezolano na Merca a cay bou di mey miyon bari pa dia

E exportacionnan di crudo Venezolano pa Merca a baha na 494.400 bari pa dia (bpd) den juli despues di a subi durante e tres lunanan anterior, mustrandu asina e impacto di e confiscacion (embargo) di e activonan contra e petrolero estatal PDVSA.

Juli tabata e prome luna den cual e exportacionnan di crudo pa Merca a cay bou di mey miyon bpd dsde periodo di januari - maart. E volumennan den juli tabata un 12% mas bou cu e luna anterior y un 22.5% menos cu e mesun luna di aña pasa, segun e datonan oficial.

E petrolero Mericano ConocoPhillips den mei a cuminsa embargo e activonan stranhero di PDVSA den un intento pa cobra un suma di 2.000 miyon dollar cu estado debe nan. Su accionnan legal a laga PDVSA sin acceso na mayoria di nan terminalnan den Caribe, restringiendo alabes e exportacionnan menguante di e compania.

Mayoria di e clientenan di PDVSA na Merca, unda e fluho di e petroleo Venezolano a wordo afecta tambe den e ultimo aña a causa di e sancionnan financiero imponi door di Washington, awo ta

ricibiendo menos bari di crudo.

Na juli, 30 cargamento di crudo Venezolano a wordo hafnan di Merca, en comparacion cu e 33 barconan di juni. Luna pasa nan a manda solamente dos barco di crudo Venezolano for di Aruba, unda CITGO tin su terminal petrolero.

Manera por corda, Corte na mei ultimo a freeze e inventarionan di PDVSA y diferente cargamento petrolero di PDVSA, basa riba un peticion di Conoco, pero poco dia despues a permiti PDVSA sigui cu e transaccionnan.

Awor desde mey-mey di juni no ta mandando crudo Venezolano pa Merca for di Corsou, Boneiro, of Sint Eustatius, islanan cu PDVSA ta uza pa refina, almacena of manda petroleo.

E importado mas grandi di crudo Venezolano na Merca, luna pasa, tabata Valero Energy, cu a logra aumenta su importacionnan di petroleo Venezolano den e ultimo lunanan apesar di e crisis di exportacion.

E di dos principal importador tabata Citgo. Incluso cu caida di e exportacionnan, e carganan pa Merca di petroleo crudo dilui (DCO0 traha cu petroleo extra



pisa di Venezuela y Nafta importa, a sigui aumenta den juli pa 252.820 bpd, loke ta sugeri un produccion limita di crudo mehora den e principal region productor di crudo di Venezuela, cu ta e Faja di Orinoco.

PDVSA a evita parcialmente e efecto di e embargo di su propiedadnan den Caribe door di haci transferencia di crudo entre barconan riba

lama grandi y door di manda barconan via di e pais bisiña Cuba. Pero e compania ta cumpliendo cu menos di 60 porciento di su obligacionnan di suministra na clientenan.

Di otro banda ta wordo bisa cu e compania petrolero Venezolano PDVSA ta den "combersacionnan confidencial" cu ConocoPhillips. Luna pasa un ehecutivo

di Conoco a bisa cu e compania ta den combersacion cu Venezuela pa e caso di 2.000 miyon dollar cu tin di haber cu propiedadnan nacionalisa na mei, 2007, na e pais cu tin e reservanan mas grandi di crudo di mundo.

Mucho e ehecutivo no a bisa solamente cu e combersacionnan tabata hopi bon y a palabra cu tur cos lo keda confidencial.



Chauffeur a pega sueño riba caminda y otro a subi rotonde

DIASABRA marduga 4:00, patruya di Santa Cruz a bay e crusada pariba di Great Rich restaurant.

E motibo tawata cu ariba e crusada tawata tin un Kia Rio color blanco para mey mey caminda.

Polis na a yegada a bay na e auto y a habri e porta, y a topa cu e chauffeur morto na sueño.

A dura un rato cortico,

pa el a lanta for di sueño. Agentenan a haya holor di alcohol ora nan a habri e porta. E chauffeur a lanta, y a baha for di auto. El a admiti cu el a bebe un tiki, pero cu e no ta biba mucho leu di unda nan tawata. Un agente a dicidi di stuur e auto di e cabayero y mientras el a bay den patruya direccion su cas.

Den un otro caso

diasabra algo prome cu 1 or y mey, polis ta bay na rotonde Ponton pa un Kia Rio cu a subi riba e rotonde.

E chauffeur tawata bou influencia y a supla mas di locual ta permiti y el a keda deteni. Cu transportwagen di polis ela wordo hiba warda di playa. Un amigo cu tawata cune den auto a keda na pia, e auto a wordo cera y laga atras.



Chauffeur burachi a pasa dal auto staciona

DIASABRA algo prome cu 4 'or y mey, presencia di polis ta wordo pidi na un accidente den Dominicanessestraat.

Un homber bou influencia tabata manehando un Jeep Wrangler, bayendo direccion pariba na altura di Rosa College, ta pasa dal un pickup staciona banda di cura di Rosa College, causando basta daño material na Ford pick up. E chauffeur di e Wrangler a keda deteni pa stuur auto bou influencia.

Cu transportwagen di polis ela wordo transporta pa warda.



Anciano a pega cu cuminda y fayece

DIASABRA den careda di 8'or y 45 di anochi, Polis y Ambulance ta wordo manda cu urgencia na un adres na Balashi, caminda un persona lo a pega cu pida pan y no tabata duna señal di bida mas.

Na yegada enberdad nan a nota cu e homber di 75 aña, ya no tabata duna señal di bida mas. Aparentemente e lo tabata sinta ta come y papia y na dado momento el a pega cu un pida, cu resultado fatal pa su persona.

Mesora a pidi pa un Dokter y polis na e sitio a pidi tambe pa presencia di slachtofferhulp pa asisti e famia den nan dolor.

Na famianan di e fayecido AWEMainta ta manda palabra di condolencia.

Exitoso bazaar di “Back to School” di Casa Cuna

STICHTING Casa Cuna Progreso diadomingo a tene nan “Back To school Kid’s Fun Bazaar”, net prome cu scol cuminsa.

Pa e muchanan por a pasa algun rato placentero, a pone diferente atraccion cu ta hala atencion di muchanan manera Disney Recreation, Carousel, Dino Jump, Popcorn, Ice Cream, Grabbelton, al estilo feria, cu botter y renchi.

No solamente e evento tabata algo pa recauda fondo, cu a wordo realisa cu cooperacion di Refineria di Aruba, pero a pone tambe como meta pa e muchanan pasa un rato agradabel prome cu aña escolar cuminsa.

Stichting Casa Cuna Progreso hunto cu su empleadonan kier a gradici Refineria di Aruba y e boluntarionan cu a yega nan realisa e evento aki, na nan sede na Pos Chiquito.



Chauffeur a keda herida cu kap grandi na cabez den un accidente na Mahuma



DIABIerna algo pasa di l'or y mey di merdia ta sosode un accidente cu un persona herida, esaki a sosode un poco pariba di e cura di Aeropuerto. Mesora a manda Polis, ambulance y materiaalwagen n'e sitio. E prome informe tabata papia di un accidente hopi serio, cu hende pega den auto.

Na yegada Polis a bin compronde cu un Mitsubishi Lancer cora tabata biniendo di zuid cu velocidad halto y na dado momento e chauffeur ta perde control riba e stuur y a bay dal contra un mata di Kwihi.

E impacto tabata net n'e banda di e chauffeur y esaki tabata hopi fuerte. E chauffeur a keda herida cu un kap na su cabes y tabata sangrando hopi.

E chauffeur no tabata pega, e por a sali for di e porta di pasahero. E auto tabatin hopi daño material, n'e dak, parti dilanti y na banda di chauffeur.

Despues cu personal di ambulance a trata e homber n'e sitio, nan a transporte pa hospital.

SweetPanMusic Productions

Lo honra tur esnan cu ta stimula y percura pa musica di steelpan no bay perdi

DIAHUEBS atardi durante un evento special na Wet Bar & Lounge na Paseo Herencia Mall, SweetPanMusic Productions, a anuncia su proximo evento na honor di sr. Edgar Connor, master Steelpan Builder y Fundador di e legendario 'Aruba Invaders Steel Orchestra'.

Na 2007 Paseo Herencia a duna honor na sr. Edgar Connor honrando e cu su nomber n'e Amphi Theatre, cu t'e main-stage. Aña pasa Famia Connor a laga traha un Relief n'e tribuna di Amphitheatre Edgar Connor por cierto un bunita relief traha pa sra. Maritza Erasmus y asina a organisa un evento cu ta hiba e nomber di; 'Honor to Connor Steelband Celebration'. E aña aki t'e di dos aña cu ta organisa e evento aki, y e lo ta uno anual. Paula Engelen PR- Event Planner/ Coordinator di SweetPanMusic Productions, hunto cu Nico Connor, Lee Connor, Stanley Dabian di Departamento di Cultura y Abigail Croes Marketing-Events Coordinator di Paseo Herencia a duna informacion di e evento. Paula Engelen a splica mas di e evento, di e programa di diasabra 18 di augustus awor di 7pm pa 9pm.

Nico Connor a enfoca riba e historia di su tata den e mundo di steelband y con importante e temporada di Carnaval ta ya cu Aruba su Carnaval a cuminsa cu musica di steelband y mester mantene esaki bibo. Ta bon pa menciona cu SweetPanMusic Productions ta trece un otro evento di steelband p'e temporada di Carnaval 65.

Lee Connor a splica un poco mas di e Amphitheatre Edgar Connor y cu Aruba Pan Man Foundation di cual e ta Director, tambe tin proyectonan educativo na caminda pa involvi e comunidad mas den e musica di steelpan. Stanley Dabian a menciona cu evento aki ta un bunita iniciativa, ya cu rumanan Connor ta sigui e pasonan di nan tata, y cu Departamento di Cultura ta kere firme den e proyecto aki y ta haya hopi importante pa stimula un evento asina pa percura pa e musica di steelpan no bay perdi.

Abigail Croes a muestra su agradecimento na Famia Connor pa organisa e evento aki, cu ta pa pueblo experiencia algo special cu ta mantene cultura y historia di Aruba bibo. Tambe a duna palabra n'e hoben Marver Guedez kende t'e rising star den e mundo di musica, un hoben di apenas 15 aña cu ta domina diferente instrumento y cu di su 10 aña a cuminsa toca steelpan. Marver Guedez ta un di e artistanan cu lo duna presentacion n'e evento 'Honor to Connor Steelband Celebration' acompaña pa nos artista Eltienne Yarzagaray.



Tambe lo tin presentacion di North Stars Steelband, y lo duna reconocimiento e.o. na sr. Freddie Tromp, Fundador di North Stars Steelband.

Tur aña durante "Honor to Connor Steelband Celebration" lo reconoce personanan cu ta contribui n'e mundo di steelband aki na Aruba. Otro persona cu lo haya reconocimiento t'e conocido locutor, Maestro di Ceremonia, sr. Ruben Garcia, kende semper a duna su aporte na Famia Connor, reconociendo sr. Edgar Connor y dunando su sosten n'e rumannan Connor pa cu nan produccion, presentacion y eventonan.

Deporte



Seleccion Femenino di Aruba Softball Bond den fuerte preparacion pa campeonato di CONSURSA



ARUBA Softball Bond trahando duro cu su atletanan pa por tin un seleccion femenino competitivo pa cu campeonato di CONSURSA cual lo tuma lugar 26 di October pa 3 di November e aña aki. Kiko ta CONSURSA? CONSURSA ta Confederacion di softball Suramericana afilia na WBSC esta World Baseball and Softball Confederation. Aruba pa promer biaha den historia di softball lo “host” pues ta bay ta cede di un campeonato internacional oficial. Un total di 8 pais a confirma nan participacion. Brasil, Argentina, Peru, Ecuador, Colombia, Venezuela, Curacao y Aruba lo bay ta batayando pa medaya.

Na October 2017 Endy Croes y Chipen Chirino a atende Congreso Mundial di WBSC na Botswana Africa unda e oportunidad aki a presenta pa Aruba “host” dicho campeonato y mesora a confirma esaki. Asina otro paisnan grandi tambe a confirma diferente otro competencianan tanto masculino y femenino di diferente categoria.

Aruba Softball Bond hunto cu e Comision Organisador lo tin trabownan duro den e dos lunanan nos dilanti pa coordina tur logistica y prepara e terenonan debidamente. Mientrastanto bou en-cargo di e Director Technico di ASB Estefano Croes hunto cu e Staff Technico consistiendo di Luis Pire entrenador internacional, Rayborn Didder y Lucio Geerman e seleccion ta trahando fuerte 4 ves pa siman y pronto lo subi esaki na 5 ves pa siman. Aruba por spera un bunita siman di competencia den October cu 8 pais entotal batayando te final.



Campeonato HEINEKEN di Aruba Softball Bond cu un wega di apertura

Los Propios di Republica Dominicana lo enfrenta Selecion Masculino di Aruba



ARUBA Softball di Mei ultimo na federacion di Softball di Aruba pa un equipo cu hungadornan di Selecion por ta na

Aruba 17 di Augustus y asina hunga e “openingsgame” contra Selecion Masculino kendenan a caba di regresa di Monteria Colombia.

di Aruba. Selecion di Aruba a caba di regresa for di Monteria di un competencia di CONSURSA y lo keda hunga weganan di fogueo segun cu tin e oportunidad pa mantene nan mes den drive. Pues Republica Dominicana “Los Propios” contra Selecion Masculino di Aruba diabierna awor.

E wega ta programa oa cuminsa net despues di e programa protocolario y e desfile esta pa 745pm. Un boca bisa otro y bin apoya boso atletanan diabierna awor.

<div><div></div><div>BANCO DI CARIBE</div></div>				
OFFICIËLE KOERSEN TEN OPZICHTE VAN DE ARUBAANSE FLORIN				
GELDIG OP 10 Aug, 2018 EN TOT NADER ORDER				
valuta	aankoop van publiek			verkoop aan
	bankpapier	wissels, CHQ's reischeques en overboekingen		publiek
Ned. Antil. Gulden ANG	98.00	100.00	biljetten chq./overboeking	100.20
Per ANG 100				100.00
Amerikaanse dollar USD	1.77	1.78		1.80
Canadese dollar CAD	1.34	1.36		1.38
Zwitserse frank (per 100) CHF	178.91	179.63		180.43
Pond sterling GBP	2.21	2.26		2.32
Japanse yen (per 10.000) JPY	159.06	160.51		162.13
EURO (per 100) EUR	202.26	204.11		206.16
Deense kroon (per 100) DKK	26.40	27.12		27.92
Noorse kroon (per 100) NOK	20.37	21.09		21.89
Zweedse kroon (per 100) SEK	18.57	19.29		20.09

Deporte



Campeonato HEINEKEN di Aruba Softball Bond ta inicia diabierna awor

ARUBA Softball Bond trahando duro henter aña brindando nos talentonan hoben e oportunidad pa por competi creando asina un disciplina respect y un mihor Aruba.

Despues di trabouwnan preparativo campeonato lo inicia diabierna awor 17 di Augustus den tur 3 Liga esta Liga Kibrahacha (AA) , Liga Kwihi (A-Klas) y Liga Flamboyant Femenino (AA). Dia 8 di Augustus ultimo despues di un reunion extraordinario na Technical Center di AVB na Stadion Frans Figaroa desicionnan final a wordo tuma alrespecto campeonato 2018 cual lo inicia diabierna

awor. Campeonato lo inicia cu un bunita desfile y ta wordo dedica na dos baluarte esta Wilbert Wiwi Maduro y tambe Hyacintho "Chin" Thiel. Ta recorda tur equiponan pa bini cu nan madrina como cu ASB lo escohe un madrina di aña pa representa ASB durante 2018. Un equipo di masculino di Republica Dominicana lo bay ta presente pa hunga e promer wega di apertura contra nos seleccion masculino.

E di dos wega lo tira lot unda dos equipo local lo hunga e promer wega oficial di campeonato 2018. Henter pueblo di Aruba ta keda cordialmente invita pa e gran apertura di campeonato HEINEKEN di Aruba Softball Bond.



RESULTADO DI WEGA ATCO CONCRETE v/s RED MACHINE

Team	1	2	3	4	5	6	7	8	9	R	H	E	L
North Indians	0	0	0	0	0	0	0	0	0	0	3	2	6
Redmachine	1	0	0	1	0	2	0	0	-	4	6	0	4

WP: #18 Calvin Maduro, **LP:** #21 Gerald Tromp, **SP:**

MIHOR BATIDO ATCO

Jason Orman 3-1
Dijendrick Croes 1-1
Chew Kong Cheong 3-1

MIHOR BATIDO RED MACHINE

Nathan Berkel 3-1
JULIO Hernandez 3-1
Luis Pelayo 4-2
Darwin Escobar 1-1



RESULTADO DI WEGA SCORPIONS v/s CERES

Team	1	2	3	4	5	6	7	R	H	E	L
Scorpions	0	0	0	0	3	2	0	5	7	4	11
Ceres	5	0	0	0	7	0	-	12	9	4	5

WP: #4 Tsean Martina, **LP:** #16 Michell Alvarez,

MIHOR BATIDOR SCORPIONS

Chris Blijden 3-2
Brian Sahid 2-1
Norangelo Jacobus 2-1
Jeffrey Richardson 2-1

MIHOR BATIDOR CERES

Jose Luis Gonzalez 4-2
Jadier Colina 2-1

Registra awo!

Manda bo e-mail na noticia@awemainta.com

Ricibi AWEMainta tur dia den bo inbox



www.awemainta.com



www.facebook.com/awemainta



583-1400



583-1444



Deporte

Campeonato di Aruba Softball Bond dedica na dos baluarte Wilbert Feliciano "Wiwi" Maduro y Hyacintho Paulo Juliano "Chin" Thiel

Awe nos ta presenta biografia di Wiwi Maduro



CAMPEONATO 2018 di Aruba Softball Bond ta inicia diabierna awor 17 di Augustus pa 7pm cu un bunita desfile na veldnan na Pos Chiquito. ASB ta dedicando e campeonato na dos personahe importante den mundo di deporte. Awe nos lo repasa e biografia di Wiwi Maduro.

Wilbert Feliciano mihor conosi como "Wiwi" Maduro a nace 9 di Juni 1958 den bario di Brazil. Wiwi a casa na Sta Cruz y tin 33 aña felismente casa cu Lucrecia Lud-

wina "Wina" Angela for di cual matrimonio a nace dos jui Aixa Nathalie Maduro y Gerwin Gerald Maduro ambos studiando actualmente na Hulanda. Wiwi Maduro ta biba na Rooi Bosal net pabou di veld di Nadi Croes y Crismo Angela. Crismo Angela (q.e.p.d) ta suegro di Wiwi y pues e amor pa deporte ta core den e venanan. Wiwi u tata ehemplar kende a traha 28 aña na Biblioteca Nacional di Aruba y alaves a dedica cu imenso amor ne deportenan di Softball. Baseball y Volleball.

Wilbert "Wiwi" Maduro den Softball

Wiwi tin un trayectoria hopi imprecionante den Softball, Baseball y Volleyball. Wiwi na un edad hoben a inicia su carera di Softball y na aña 1974 a join Aruba Softball Bond cu e team di Detroit (Brazil) sponser pa Aruba Metal Company den Watapana League esta B-Class. Na aña 1977-1978 Wiwi a titula campion y promove pa Kwihi League (A-class).

E team a cambia di sponsor y bira Construction Equipment. Na aña 1979 a logra titula campeón un bes mas y promove pa Kibra Hacha League (AA-class). Lamentablemente despues di 3 temporada e equipo a stop di existi. Na aña 1983 Wiwi a bay hunga pa Aruba Video Center. Aruba Video Center tanto basbell y softball tabata e equipo cu mas tanto fanatico den historia cu a conmove Sta Cruz y henter Aruba. Na a 1985 Wiwi a bira campion y a ripiti esaki na aña 1986 cu Aruba Video Center.

Den aña 1990 Wiwi Maduro ta conecta un cuadrangular oportuno cu dos coreador na base contra Henk Arnold lansando pa Olympic pa gana un wega y mantene Aruba Video Center den AA hungando un wega di un pa tera y un pa lama y a mantene Video Center den AA den un aña cu no a bay mucho bon. Na 1991 Endy Croes, Rimbart Croes, Alfonso Steenen, Luis Boekhoudt entre esnan cu a regresa di Hulanda y ta rehobense e equipo di Video Center y ta cambia di patronicador y ta bira Pueblo Supermarket. Den e mesun aña aki Wiwi ta titula campeón AA un biaha mas cu Pueblo Supermarket pa cu campeonato 1991 -1992 derotando Astros den final. Wiwi ta ripiti y mantene e titulo na 1992-1993 Wiwi ta pone un corona

mas riba su number momento cu Pueblo Supermarket ta derota Frissian Flag "e toronan di dam" den 7 wega lagando Frissian Flag den di 10 inning den tereno riba un cuadrangular di Endy Croes. Pueblo Supermarket a cambia di sponsor y a bira First National Bank esta First Power. Cu First Power Wiwi un biaha mas ta titula campeón di AA na aña 1997 derotando Duracell den final. First Power ta cambia di sponsor y a bira Kwihi- Inn Power kendenan a logra multiple titulo tanto na Aruba como Corsow .

Desde 2003 Kwihi Power a cambia di number y a bira Royal Power y te ainda ta un team cu masha hopi titulo. Wiwi Maduro sinenbargo a stop cu softball organisa di A.S.B. na aña 1998. Logronan personal di Wiwi Maduro Champion Pitcher den Liga Watapana (B-Class), Champion pitcher, champion batter y champion homerun den Liga Kwihi (A-Class), Champion pitcher, champion batter y champion homerun den Liga Kibrahacha (AA), a logra bati 3 homerun den un solo wega na 3 ocasion y hopi biaha 2 homerun den un wega y tin algun grandslam riba su number. Wiwi a bati alrededor di 55 homerun den softball organisa den su carera incluyendo 23 den playoff. Wiwi a representa Aruba den Seleccion y den equipo campeón na Corsow, Bonaire, Venezuela, Colombia, Cuba, Mexico, Argentina, Costa Rica y Hulanda. Na 1994 Wiwi a logra gana medaya di Brons den Weganan di ODESUR (Suramericano) na Valencia Venezuela.

Na 1992 Wiwi ta logra un segundo lugar den Bill Jeffrey Tournament na (Haarlem) Hulanda, den Liga 50 Wiwi a melita den Surprise un equipo cu el a yuda lanta y tin 3 titulo di campeón y 3 sub campeón. Ultimo Wiwi a termina su carera imprecionante den Now or Never y ta retira definitivamente na aña 2017.

Wilbert "Wiwi" Maduro den Baseball.

Wiwi a cuminsa hunga baseball na aña 1976 pa e team di Dodge Galant A-Class y a bay play-off, pero no a gana. Na 1977 Wiwi a bay hunga pa e team di Santa Cruz Royals A-Class, un aña despues Wiwi a pasa pa e team di AA (Double A). Wiwi a hunga un wega so, pasobra E mester a cumpli cu servicio militar. Na 1979 Wiwi a hunga regular y a bay playoff vs. Marlboro y a perde e serie 2-1 den play-off.



Na 1980 e equipo a cambia number y ta bira Aruba Video Center cu a bira un sensacion den baseball na Aruba pa varios aña. Wiwi cu Aruba Video Center a logra bira campion dos biaha y varios biaha sub-campion y tabata temponan inolvidabel den su carera. Tambe EL a yega di gana titulo persnola como Champion RBI y 2

Deporte



College y a gana 2-0. E wega aki a tuma lugar den Sint Thomas College. Na 1975 Wiwi a logra sali sub-campion.

Na aña 1976 Wiwi a hunga pa Rapid United, despues bek pa Brazil. Wiwi a hunga 2 biaha Copa Antillano, contra Sitoc Mensing Strada den Lago Sport Park y na Curaçao den Sentro Deportivo Korsow. Alaves Wiwi a hunga contra varios team di Curaçao entre otro Olympic, Warwaru, Stahamahachi, Maduro Shiphandlers y na Boneiro contra Avanti y Teremoto. Otro teamnan cu Wiwi a hunga contra nan ta U.C.V. na Venezuela y na Suriname .



biaha Champion Homerun. Wiwi a logra gana M.V.P. den allstar-game na Winston Veld (actual stadion Crismo Angela-Nadi Croes). Aruba Video Center a gana varios copa A-B-C. y a keda cu e wissel-beker (3x). Wiwi a forma parti di e seleccion di Aruba pa hunga na Curaçao tanto contra Sint Maarten y seleccion di Curaçao. Wiwi a hunga un torneo na Sint Maarten caminda a hunga: Aruba, Curaçao, Santo Domingo, U.S.A. y Sint Maarten.

Durante su añanan den baseball Wiwi a hunga tambe algun wega na Venezuela contra teamnan di Punto Fijo, Barquisimeto y e farm-team di Cardenales de Lara. Wiwi a hunga contra Batería Meteoro di Santo Domingo, Springfield College, Whittier College (cu Jesse Beukeboom a invita) y Athletics in Action di U.S.A., Dodgers di Sint Maarten y Wild Cats, Royal Scorpions, Santa Rosa, Alpha Zelbo y Blue Haws di Curaçao. Wiwi a tira e spada y a stop di hunga Baseball na aña 1998.

Lokual semper Wiwi a keda recorda pa bida y lokual semper a cay masha hopi na su agrado momento cu el ta bay bati y e publico grandi cu ta apoya a inventa un refrain pa Wiwi: WIWI, DAL'E... ..P'AFO, WIWI DAL'E..... P'FAO!!!, y mayoria biaha Wiwi tabata responde cu un batasonan largo.

Wilbert "Wiwi" Maduro den Volleyball.

Wiwi a cuminsa hunga volleyball na edad hoben den bario di Brazil. Su prome team tabata yama Brazil Giant na 1972 (Junioren). Teamnan cu tabata competi: Brazil Giant, Brazil Lions, Bata, Connie Francis, Super Eleven Boys, Bon Bosco Eagles, Rapid, Centro di Bario Noord. Na 1974 Wiwi a hunga pa Martin Luther King School y a sali campion.

Nan a bay Curaçao pa bay hunga contra Randolfus



E wega cu mas Wiwi ta recorda ta Brazil vs. Arusino. Brazil tabata atras 0-2 y a bin gana 3 set y tur cu scorenan bow di 5, cu un Sporthall ful yen y animacion di Brassband.

Na aña 1999 Wiwi a lanta Cruzeiro Volleyball Blasters cu ayudo di ex-hungadornan di Brazil. Despues Chico Harms a yuda Wiwi lanta teamnan di hubenil, B y A. Wiwi cu su señora Lucrecia a hiba e muchanan na hopi titulo di campion. Na 2002 Wiwi a bay un curso di volleyball na Cuba pa 2 luna hunto cu Roy Brete na Intituto Superior Manuel Fajardo na Santiago de Cuba unda ambos a logr a obtene nan diploma di entrenador.

Tin diferente hungadornan cu a lanta den Cruzeiro y despues a bira parti di seleccion di Aruba manera :Henry Camacho, Angelo Semeleer, Jair Croes. Den hubenil ta: Lorena Alvarez, Adeline Dubero, Aixa Maduro(pre-seleccion).

Wiwi Maduro un persona cu a dedica gran parti di su bida na deportenan di bala unda merecidamente Aruba Softball Bond ta dedica campeonato 2018 na Wilbert "Wiwi" Maduro. Pabien Wiwi y masha danki pa Bo aporte grandi na deporte. Aruba ta orguyoso di Bo !!!!

1 OnLine

AWE Mainta

Tel: **583-1400**

Fax: **583-1444**

Facebook:
www.facebook.com/awemainta

Website: www.awemainta.com

E-mail: noticia@awemainta.com



Mala fe of inkompetensha di Boneiru

Riba mayoria pregunta di CFT nan ta haña 'Geen' of 'Nee'

WILLEMSTAD. Si no tabata ku ta trata di un asunto asina serio ku ta afektá bienestar dje pueblo di Boneiru asina profundamente den nan relashon ku Ulanda, e kartanan ku gezaghebber di Boneiru ta kontesta e presidente di CFT, ta un meskla di mofa i mala fe.

Presidente di CFT ta komunika ofisialmente ku Gezaghebber Rijna pero ni maske ta un relashon kasi personal, e no ta dunando resultado.

E parti mas prèt dje asunto ta ku ora Ulanda keda sin manda yudansa pa Boneiru pasobra gobernantenan no ta kumpli ku kondishon, ta e pueblo ta sufri pasobra nan ta keda sin fasilidatnan esensial.

Gobiernu di Boneiru tin dos ala: unu te aparato gubernamental ku amtenarnan i e otro ta e kompanianan anonimo ku gobiernu tin.

Wèl, ningun dje dos alanan aki no ta funshoná manera debe ser na momento di duna kuenta i rason.

Esei no ta nifiká ku e otro islanan ku tin ku duna kuenta i rason na CFT ta kumpli manera debe ser. nò, leu di esei. Dia 10 di yuli ultimo CFT a bolbe hala atenshon di gobiernu di Boneiru ku den kuadro di nan supervishon finansiero riba Bonaire, Sint Eustatius i Saba, a rekordá nan ku nan no a haña relatonan anual finansiero di kompanianan di gobiernu di Boneiru.

Pa Lei, nan mester entrega relato di tur kompania na Saba, St. Eustatius i Boneiru.

Saba ta uniko ku ta kumpli kabalmente.

CFT a pidi BC di Boneiru pa manda un lista kaminda

nan ta splika e motibu dikon e entidatnan ta tarda ku nan relato anual finansiero.

Ademas nan ke sa pa ki tempu nan por haña esunnan ku falta pa loke ta sifranan di aña pasá.

BC di Boneiru a manda algun dokumento i despues a keda ketu.

E uniko entidatnan ku a entregá un relato anual finansiero ta WEB N.V. Bonaire International Airport.

Bonaire Holding Maatschappij' (BHM) a manda un lista ku fecha riba kual nan lo manda loke ta falta.

Ta praktikamente insólito i kasi di mala fe pa konstatá ku gobiernu di Boneiru no ta manda ni tur relato finansiero i tampoko ta bisa ki dia CFT por haña nan.

Esaki opviamente ta krea un kurso kaminda lo bai tin choke.

Pero no ta kompanianan di gobiernu so ta keda atras: fundashonnan ku ta haña supsidio tampoko tin pen ku papel pa traha relato finansiero.

PASENSHI A KABA

CFT su pasenshi a kaba i a manda pidi Gezaghebber di Boneiru urgentemente pa denter di dos siman nan manda e lista di relatonan finansiero.

Nan a tende somewhere ku gobiernu di Boneiru ke kambia e struktura di kompanianan di gobiernu den e totalidat pero nan ke sa pa ki dia por spera ku ta drecha tur loke falta aktualmente.

Tratamentu di kaso di Dion Oliemuller wantá te 7 di desèmber

WILLEMSTAD. Den sala di korte a presentá diabierna e suidadano Dion Oliemuller di 19 aña di edat, kende ta nasé na Ulanda. Dion Oliemuller ta akusá di a maltratá un suidadano di fam Celestina dia 8 di aprel ku slanan di moketa den pechu, patras di kabes, den kabes i den kara di manera ku e víktima aki a pèrdè su konosementu. E suseso aki a tuma lugá na Club Vanilla den Perseusweg. Fiskal señor mr. R Koert i e abogado mesora a bai di

akuerdo pa wanta ku tratamentu di e kaso pa skucha mas testigu, anto aki a menshoná nòmber di un persona di fam da Costa i entre otro tambe e médiko ku a duna tratamentu na e víktima. Pero en total 3 testigu lo tin di keda skuchá promé ku e kaso bolbe presentá den korte.

Ademas e abogado a pidi pa skucha tape di grabashonnan hasí, pero riba esaki fiskal mr. Koert a kontestá ku polis mester repasá tur esakinan promé. Final di kuenta ta ku tratamentu di e kaso den sala di korte ta proponé pa dia 7 di desèmber pa mitar di 9.



CTB a entrega di su Relato Anual 2017 na Minister Martina

WILLEMSTAD- Dia 9 di ougùstùs último, sr. Hugo Clarinda, Direktor Interino di Ofisina di Turismo di Kòrsou (CTB) a hasi entrega di CTB su Relato Anual na Minister di Desaroyo Ekonómiko, Dr. Steven Martina. E relato anual ta duna un kompilashon di e aktividatnan prinsipal ehekutá durante aña 2017 teniendo na kuenta implementashon di e Plan Maestro pa Turismo 2015 – 2020. E tema di e relato anual di 2017 ta; ‘Huntu Nos ta Hasi’é’ kual ta representá e trahamentu huntu ku nos partnernan i stakeholders, surpasá retonan, krese i e determinashon pa logra ekselensia pa e industria di turismo.



Christopher Zimmerman ta bini 16 novèmber den korte atrobe

WILLEMSTAD. E suidadano Christopher Zimmerman tin 19 aña di edat i ta akusá di a tira ku arma di kandela dia 9 di mei 2018 riba un suidadano di fam Evertsz. Diabierna (10 di ougùstùs) e tabata den sala di korte pa tratamentu proforma di e kaso aki.

Huntu ku e akusado tabata presente abogado mr. E.J. Martha. E akusado Christopher Zimmerman manera e suseso a tuma lugá, na sierto momento, a tira riba Evertsz ku arma di kandela dirigí riba e persona aki i herid’é, pero el a sigui tira hasta na momento ku e víktima a sali na kareda.

Fiskal señora mr. E de Groot mesora na kuminsá ku tratamentu di e kaso a trese padilanti ku e kaso no ta kla pa keda tratá pasobra tin vários testigu pa skucha ainda dilanti di wes komisario.

Pero no por tin duda ku Christopher Zimmerman ta akusá di intento di asesinato i poseshon di arma di kandela.

Mester skucha e rumannan Pieterella i un tal Maduro.

Abogado mr. Martha a pidi pa laga su kliente den libertat pendiente di e investigashonnan andando, pero wes mr. Gruijters a rechasá e petishon aki redondamente, alegando ku lo ta su shòk duru pa komunitat pa laga un suidadano manera esaki den libertat.

Mas aleu segun e wes no tin apsolutamente ningun motibu personal tampoko pa laga e akusado aki temporalmente den libertat. Tratamentu

di e kaso lo ta dia 16 di novèmber binidero pa 3or di mèrdia.




Corsou

Kastigu sumamente abou pa Alvurs Rosalia

WILLEMSTAD. E suidadano Alvurs Rosalia di 42 aña di edat tabata den sala di korte diabierna sostené hurí-dikamente den su defensa ku ta abogado mr.J.B.S. Loth. En prinsipio ta trata aki di e kantidat di 5 akusashon ku tabatin kontra di Alvurs Rosalia.

Pa kuminsá e akusashon di menasa ku arma di kandela di señora Felipie dia 2 febrüari 2018. Aki Alvurs Rosalia segun e dagfar lo a bisa Felipie ku lo e mat'é ku e mesun arma di kandela ku a uza pa mata 5 suidadano na Toko Chow.

Ku esaki Alvurs Rosalia a hasi referensia na e matansa kruek ku a tuma lugá den e bario Buena Vista ku a kulminá den likidashon di 5 persona. Despues di esei segun Felipie e akusado aki lo a saka un arma di kandela koló pretu lag'é mira.

E siguiente akusashon ta otro menasa dirigí kontra di e mesun Suvyenka Felipie dia 4 di febrüari 2018, kaminda Alvurs Rosalia lo a bisa: "Mira kon mi ta mata e mucha aki, meskos ku mi a mata Shashuri".

E di 3 akusashon kontra di Alvurs Rosalia ta ku durante e periodo di 2 te 8 di febrüari 2018 e lo mester tabatin un arma di kandela den su posesion ku e lo a uza pa menasá. Polisnan a haña e arma di kandela bentá den e mondi den e serkania direkto di e kas di Alvurs.

E di 4 akusashon kontra di Alvurs Rosalia ta trata di 1074 gram di kokaina ku outoridatnan a haña i ta sospechá ku lo ta di dje. E di 5 i último akusashon kontra di Alvurs Rosalia ta trata di posesion di mariwana, esta 241 gram di mariwana. Aki un historia kompliká a subi mesa ku lo a haña e droganan por parti den dormitorio,

anto den sala prinsipal (sala) i pafó riba un tereno den serkania di e kas.

Alvurs Rosalia a bisa ku e sa hür e kas ku mas persona i ku no ta e so sa frekuentá e área ei, por lo demas Alvurs Rosalia a rechasá redondamente tur akusashon kontra dje, bisando ku tin algun hamaikino metí den e asunto aki i ku e propio Suvyenka Felipie lo tin un amistad estrecho ku e hamaikinonan. Enfin, den sala di korte diabierna e kaso, en especial e akusashonnan kontra di Alvurs Rosalia a zona masha suak i insigur mes.

Mas bien tabata palabranan di Suvyenka Felipie kontra esnan di Alvurs Rosalia.

Komo tal ta parse ku no tabatin mas testigu pa fortifiká e pruebanan.

Abogado mr. Loth a tòrnu di tur banda na e ponensi-anan di Ministerio Públiko, insistiendo ku no tin prueba sufisiente kontra di su kliente. Den bista di e abogado mester duda fuertemente den e papel ku e denunsiente Suvyenka Felipie es a hunga den e totalidat.

Final di kuenta Ministerio Públiko den persona di fiskal mr. S.A. van der Vliet a pidi un kastigu di 3 luna di kua 1 luna kondishonal, kitando e periodo ku Alvurs Rosalia a sinta kaba.

Wes mr. Gruijters a laga e akusado bai liber pa práktikamente tur akusashon, eksepto esun di mariwana ku a haña den sala, komo tal pa e hecho aki wes a dikta un kastigu di prizon di solamente 1 luna.



AWE #1 Online Mainta
 Tel: **583-1400**
 Fax: **583-1444**
 Facebook: www.facebook.com/awemainta
 Website: www.awemainta.com
 E-mail: noticia@awemainta.com



Un kaso di abusu seksual kontra menor ku no mag lubida

WILLEMSTAD. Resientemente a hasi nèt 11 aña ku korte a kondená un perverso ku mester tin 63 aña awendia pa homber pa abusu seksual ku dos mucha menor di edat i bou di 12 aña.

E tempu aya e kaso a haña basta publisidat pasobra hopi hende a puntra kon por ta posibel ku un homber ku a keda enkargá pa kuida dos yu di un muhé, por a abusá dje forma aki ku nan. Na final ela haña un kastigu di 24 luna di kual 6 kondishonal i dos biaha un but di 6000 florin. Ta revisando kasonan di korte e siman aki nos a bin topa ku e relato i a para ketu na e delito i si e kastigu a koresponde ku seriedat dje kaso.

E tempu aya fiskal mr. L. Forbes-Vicento a pidi wes kondena e homber na 6 aña di kastigu di prison pero na final wes a kondené na menos ku dos aña.

Menos mal ku wes no a bai tras di su abogado kende a pidi eksonerashon total.

Di akuerdo ku e relato tabata den e periodo di 1 yanuari 2007 te ku 26 di november 2009 ku perverso tabata usa e dos rumannan seksualmente ku aktonan seksual ku tabata mas bien pornografia.

E tipo tabata asina perverso ku e tabata pone e muchanan kita paña i balia sunú i pa kolmo a konta su amigunan tambe di su mal ehempel. Hopi tristu ku muchanan di entre 9 ku 11 aña a bira viktima di un perverso ku tabata sasia su set seksual riba dos mucha asina.

Loke a suavisá e kaso pe homber ku ta un testigu so tabatin i un testigu no ta testigu.

A ni maske testigunan a deklará den korte ku e perverso a konta nan ku ela violá su dos yunan di kriansa ni asina e kastigu no a bira mas fuerte.

E splikashon: interpretashon huridiko dje palabra violashon.

E testigunan a konta ku e perverso a konta nan ku ela violá su yu di kriansa.

Komo ku nan no a spesifiká mas aleu, mester tene kuenta ku ora usa e palabra aki na bon Papiamentu, no ta nesesariamente den e sentido huridiko!

Por lo tantu no por tuma nan deklarashon komo prueba.

Ademas no tin prueba visto i konkreto.

Na di dos lugá, dia ku e muchanan a denunsia e asuntu i e kaso a bai dilanti, a pasa kasi 10 aña.

Esei ta pone ku no tin sufisiente prueba legal i konvincente pa kondena e tata di kriansa.

Por lo tantu ela sali liber dje punto aki tambe.

Loke sí wes a haña ku fiskal a proba ta ku ela purba penetrá e mucha ku no tabatin 12 aña ainda pero no a logra. I finalmente tin deklarashon dje muchanan mes.

Un di nan a konta ku tempu e tabatin 9 aña e ku su ruman a bin Korsou kaminda e famia tabata konsisti di su mama, su ata di kriansa i dos ruman muhé.

Ora e tata di kriansa kier a kastige e tabata kita su ko'i hunga.

Pa haña nan bèk e mester a kita sunú i baila pe.

Tur e oranan ei e mama tabata traha.

Despues kos a bai mas leu i e tabata penetrá e mucha dos biaha pa siman.

E mama mester tabata sa ku algu ta pasando pasobra ela manda e muchanan Colombia diferente biaha.

KULPABEL

Den e veredikto wes a splika ku un hende grandi of mayor di edat tene relashon ku un mucha menor di 15 aña e ta kastigabel.

Pa tene akto seksual ku un menor ku ta na enkargo di un mayor tambe ta kastigabel.

Hecho ta ku e homber a tene relashon seksual ku ambos yu di kriansa.

Tipo di kosnan asina aki ta sakudi komunidat i ta masha sensurabel.

P'esei mes wes a kondene na kastigu di prison 11 aña pasá.

Un otro motibu dikun nos a duik den e materia ta pa via di un frase ku wes a usa bisando ku ta na favor dje akusado ku nunka ela hañ'é den problema ku hustisia.

E tempu ei no solamente e mester a bai será pero mester a paga kada un dje muchanan 6000 florin.

Pero e herida emoshonal ku ela kousa no ta kura nunka mas.

Royal Aurora

Funeral Home & Crematory

Mi ta stima Señor. E ta scucha mi suplicanan. E'la paga atención. Cada bez cu mi a invoc'E. Señor ta warda esnan cu ta débil. Mi tawata morto cansa, pero E'la salva mi. Awor mi ta calmo atrobe. Señor tabata bon pa mi. Salmo 116

Nos ta participa fayecimento di:

Anna Reineta Tromp-Semeleer

Mi hor conoci como:

"Mama Annie" "Annie", "Annie Cosedo"

*15-03-1930 - †09-08-2018



Na number di su:

Esposo dfm: †Leopoldo "Poli" Tromp

Yiunan: Hendrik Tromp

Frederick "Freddie" Tromp

Robert y Lourdes Tromp-Croes y familia

Franklin Tromp y familia

Stella Marina Tromp y familia

David y Teresa Tromp-Pantoja y familia

Sonia Tromp y Ronald Dijkhoff y familia

Elizabeth Tromp y David Ferreira y familia

Nieto(a)nan: Alain Tromp y familia, Chayo Tromp y familia, Naomi Tromp, Ethan Tromp, Adrienne Tromp y Andrew Rasmijn, Nerissa Tromp y familia na USA, Zachary Tromp na USA, Angelique Wout y familia, Jessika Wout y familia, Liandra Wout y familia, Mirielle Tromp, Alisha Tromp, Vanessa y Dave Iacé-Jie Sam Foek, Emmanuel Jie Sam Foek y Gyasuda Richardson na Hulanda, Kevin Dijkhoff, Brandon Dijkhoff, Sabrina Vieira Ferreira

Bisanietonan: Avner, Amir, Keanu, Kingston, Jesua, Liam, Zion, Ly-Ann, Jade, Jada, Damon, Ava na USA
Tataranieta: Lixady Wout

Rumannan: †Pedro "Bito" y

†Teresa "Chita" Semeleer y familia

Anselmo "Chemi" y Juana Semeleer y familia

Celestino "Tichi" y Olivia Semeleer y familia

†Juan Casper "Jan" y †Johanita Semeleer y familia

Swa y cuñanan: †Juan Tromp y familia

†Stefanita y †Salmon "Simon" Fingal y familia

†Juanita y †Calixto Trimon y familia

†Seferina "Sefer" y †Serapio "Cochi" Tromp y familia

†Thomas "Mashi" y †Filomena Tromp y familia

†Felis y †Rosa Tromp y familia

†Helena "Nena" y Leon "Joon" Kelly y familia

Piet y Edith Tromp y familia

Ina Tromp y †Ismael Vrolijk y familia

Sobrino y sobrinanan, primo y primanan, comer y compeman y bisñanan
Iha stima

Ayudante na cas: Anarita Payano, Karina

Amiga di cas: Ramona

Demas famia: Semeleer, Tromp, Croes, Pantoja, Dijkhoff, Vieira Ferreira, Wout, Jie Sam Foek, Lacle, Richardson, Fingal, Trimon, Kelly, Evertsz, Vrolijk, Peterson, Ponson, Figaroa, Maduro, Geerman, Lampe, Hernandez, Semerel, Quandus, Ras, Franken, Flanegin, Rasmijn, Valdez, Solagnier, Oduber, Ismail, Erasmus, Ruiz

Oportunidad pa condolencia; dialuna 13 di augustus 2018 na Royal Funeral Home di 7'or pa 9'or di anochi.

Ta invita pa e acto di entierro cu lo tuma lugar diamaras 14 di augustus 2018 na Royal Funeral Home di 9'or pa 11'or di mainta, despues saliendo pa Santana catolico Noord

Nos disculpa si den nos tristesa nos por a lubida un of otro familia.

Royal Aurora

Funeral Home & Crematory

"Dios ta amor... y amor ta Dios,
maske mi no ta na e mundo aki, tur dia lo mi
ta banda di boso Curazon".

Cu inmenso tristesa na nos curason, pero agradecido pa tur locual el a nifica pa nos y conforme cu boluntad di Dios, nos ta participa fayecimento di:



Eric T. Lopez

*10-06-1961 - †07-08-2018

Na number di su

compañera: Bertha Cecilia Torres

Rumannan:

Mayra Lopez

Mireila Lopez & Arturo Oduber

Grenda & Pedro (Jani) Lacle y familia

Rafael Lopez y familia

Chago Lopez &

Linda Bakker y familia

Shamy & Frida Lopez y familia

Winonah Lopez y familia

Orma Els Haselmeyer y familia

Faycel Lopez

Stima manera yiu: Diana Carolina Benitez

Hija:

Philibert Lopez y familia

Omo y Tantanan:

Lucia & Roy Geerman y familia

Chinto & Mani Croes y familia

Bertha & Ruben Wolff y familia

Aylin & Ricky Tromp y familia

Tantanan di respet

Sobrino y sobrinanan: Philibert, Facla, Santi, Janisse, Fayron, Whitley, Lisa, Leentje, Ian, Gendra, Dimitri y Kayla.

Amigonan di cas: Gerardo y Belquis Moreau, Tahar Bouaicha.

Compañeronan di Aruba Limpi: Milton y Eugene y demas coleganan di DOW

Demas famiana: Lopez, Croes, Torres, Oduber, Lacle, Els, Bakker, Geerman, Wolff, Tromp, De MEI, Dirks, Rodriguez, Wever, Benitez, Rojas, Windterdaal, Kelly, Maduro, Kock, Loefstok, Vrolijk, y Haselmeyer.

Demas famianan na Tenerife, Islas Canarias, España : Lopez, Navarro, Monzon, Garcia, Macias, Reyes y Salgado

Adres pa condolencia na su cas : Diadomingo 12 augustus 2018 for di 7'or pa 9'or na Jan Flemming 16-A

Ta invita famia, amigo, bisña y conociman pa asisti na acto di entierro cu lo tuma lugar dialuna 13 augustus 2018 di 2'or pa 4'or di atardi misa Inmaculada Concepcion na Sta.Cruz.

Royal Aurora

Funeral Home & Crematory

Psalm 23

The Lord is my shepherd I shall not want ,
With immense sorrow and pain in our hearts. we
announce the home going of our beloved, son, father,
brother, uncle, cousin, godfather and dear friend.



Efrén Cecilio Isei

"Humphry" or "papa Efrén"

*1 February 1959 † 3 Augustus 2018
TX # 249

Left to mourn his loss are:

Mother: Leonilda Isei- Fenton

Son:

Efrén A. Isei and Miriel Croes

Mother of his child: Martha Jimenez

Brothers and Sisters: Rogelio Isei AUA

Fidencio and Barbara Isei and fam; Detroit Mich.

Shirley Isei and Family AUA

Carl Isei and Family AUA

Wini Martien and Family Cur,

Mirtha Martien Holland

Aunt :

Josephina Haddock and Family

Nieces,Nephew,Cousins and
Godchildren to numerous to mention.

Like his children:

Christian, Laura, Jonny, Elias, Sebastian, Julien, Jahlisha, Paola, Eric

Close friends;

Melva & children, Monica, Veronica

Colleagues.

Family in AUA ,CUR,SXM, HOLLAND,USA.

He was related to: Isei, Fenton, Jimenez, Buddy, Paesch, Arrindell, Brown, Haddocks, Muller, Hughes, Patterson, Richardson, Mejia, Olivarez, Spanner, Uribe, Garcia, Lopez, Guitierrez, Ortiz, Serna, Isaza, Delgado, Mariel, Fuentes, Cortes, Brito,

Iglesia : Rios de Aqua Viva

We apologize if during our grief we forgot to mention any Family or names.

Condolences and Funeral will take place, MONDAY
AUGUST 13, 2018 2 pm to 4 pm
AURORA FUNERAL HOME, ORANJESTAD, Followed
by Cremation

Servicio pa Comunidad



Emergencia

Brandweer	911
Polis	100
Polis Oranjestad	102
Polis San Nicolas	104
Polis Santa Cruz	105
Polis Shaba	107
Polis Tipline	11141

Ambulance San Nicolas	584-5050
Ambulance Sasaki	582-5573
Ambulance Wayaca	582-1234

Hospital	527-4000
Centro Medico San Nicolas	524-8833
SVB (AO-Ziekmelding)	527-2782

Botica na Warda

Pabou di Brug:
St. Cruz

Pariba di Brug:
Centro Medico

Dokter na Warda

Pabou di Brug:

Pariba di Brug:

Servicionan

ELMAR Storingdienst	523-7147
SETAR Storingdienst	117
Digicel	145
WEB Storingdienst	525-4600
Reina Beatrix Int'l Airport	524-2424
Serlimar	584-5080
Arugas	585-1198
Guarda Costa	913

Funeraria

AD Patres	584-2299
Aurora	588-6699
The Olive Tree	582-0000

Fundacion

Rode Kruis Aruba	582-2219
FADA	583-2999
Fundacion Respeta Mi	582-4433
Fundacion Guia Mi	587-1677
Muhe den Dificultad	583-5400
Telefon pa Hubentud	131
Centro Kibrahacha	588-3131
Stichting Bloedbank	587-0002
Mary Joan Foundation	588-9999
Koningin Wilhemina Fonds	582-0412
Fundacion Pa Nos Muchanan	583-4247

Cas Editorial



The Media Group

Margrietstraat #3
Oranjestad, Aruba
Tel: 583-1400 Fax: 583-1444

Orario di Oficina

Dialuna - Diabierna
8am - 5pm

Cuenta di Banco

CMB #22982600

E-mail

Redaccion: noticia@awemainta.com
Aviso: aviso@awemainta.com

Subscribi na: notica@awemainta.com

Director

Victor "Toko" Winklaar
Victor R. Winklaar

Gobiernu di Boneiru ta riba ruta peligroso di konflikto ku CFT

DEN HAAG. Di akuerdo ku un deklarashon ku a sali diabierna for di seno di Komishon Supervishon Finansiero, Bestuurscollege di Boneiru no ta 'give a damn' ku e komishon di supervishon ta reklamá ku nan no ta haña presupuesto pa evaluá.

Pa lei, gobiernu di Boneiru mester manda e dokumentonan di presupuesto pa e komishon pero Bestuurscollege a bolbe ignora e ultimo ultimatum ku tabata dia 31 di yuli i ya a pasa 11 dia di ougustus sin ku nan a kumpli.

Apesar ku e komishon di supervishon a keda rekordá Bestuurscollege di Boneiru na su obligashon; ta algun dokumento so nan a haña.

E falta di dokumentonan krusial aki tin e komishon hartu pasobra ni sikiera nan ta

laga sa pa ki dia por spera ku nan ta manda nan.

Es más, nan no ta apresiá si manda rekordá nan!

Presidente dje komishon Raymond Gradus a manda un karta pa Bestuurscollege di Boneiru pidiendo pa duna nan un impreshon ki te motibu di tardansa pero atrobe gobiernu di Boneiru a keda sin kontesta.

Komo ku mayoria di kompanianan di gobiernu i fundashonnan no tin relato finansiero anual kla, e komishon di supervishon no por kumpli ku nan deber di raportá Ministerio di Interior.

E komishon a duna Bestuurscollege dos siman pa indiká den kuantu tempu nan por haña e dokumentonan i relatonan finansiero anual.

Pustamentu di baikel den Marie Pampoen mañan ta kanselá

WILLEMSTAD. Pa motibu fuera di nos boluntat Fundashon Desaroyo Marie Pampun i Besindario ta kansela e aktividat di Pustamentu di baikel ku mester tuma luga djadumingu 12 di Ougustus na Marie Pampun. Mas lat den aña nos lo bai organisa un aktividat pa e muchanan. Nos ta konta ku e kompreshon pa situashon aki.

Fundashon Desaroyo Marie Pampun i Besindario ta sigui ku su trabou pa benefisio di e bario.



"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Nos ta anuncia fayecimento di:



Francisco Antonio Petrochi

*14-02-1942 - †09-08-2018

Acto di entierio lo wordo anuncia despues.

*The peace of God,
which transcends all understanding,
will guard your hearts & minds.*

Philippians 4:7





"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Cu inmenso tristeza na nos curason,
nos kier participa fayecimento di:



Sr. Ruben Johan Fijnje

Mi horconocicomo: "Ru" "Pa" of "Opachi"
***15 Nov. 1928 - †11 Aug. 2018**

Nanomber di su

Esposa : †Sarah Francisquita
"Francis" Fijnje-Scholten

Su yuinan : Charissa y Remy Arendsz-Fijnje
Richella Fijnje y Mario Arends
Drucilla Fijnje y Tony Franca
Su nietanan : Stephany y Joël da Silva-Laclé
Elisabeth Laclé y Clifton Loop-

stok

Bisnietanan : Eliza Loopstok
Sophia da Silva

Rumannan : Vda. Mildred Harms-Fijnje y
famia
Harold Fijnje y famia

Su sobrino y sobrinanan, primo y primanansti-
macutahopla menciona.

Su ayudante: Maricela

Demas Famianan : Fijnje; Scholten; Laclé; Arendsz;
Arendz; Franca; da Silva; Loopstok; Harms; Lampe;
Abrahams; Robles, Waalwijn; Gonsalves y
Nuboer.

Nos ta invita tur amigo, bisiña, y conocirpaasis-
tina e acto di entierocual lotuma lugar Diaran-
son 15 di Augustus 2018 na Royal Funeral Home
di 2'or pa 4'or di atardi, despues saliendopa
santana Protestantna Oranjestad.

Nos tapidi disculpa si den nos tristeza nos por a
lubida di menciona algunfamia of conocir.

Nos ta lamenta cudespués di entierocual nos no por
ricibibishita di condolencia na cas.

Circle K Club di Universidad di Aruba ta cuminsa kickball na scol basico

PROYECTO Aruba den movecion ta inicia Circle K Club di Universidad di Aruba a lansa e Proyecto "Aruba den Movecion" e siman aki, cu ta encera motiva mucha pa hunga deporte dor di hiba e wega di kickball na tur scol basico na Aruba.

E kickball lo wordo hunga na tur scol basico y cada scol lo saca un team ganador di Eerste y Tweede klas cu lo participa den un competencia nacional. Bateria Panasonic ta sponsor e scol ganador di e campeonato nacional cu un total di aflu. 1000,- na premio den forma di certificado pa ekipo di deporte.

Circle K Club di Universidad di Aruba a partner cu bateria Panasonic cu e intencion pa motiva movecion, particularmente pa muchanan di 6 pa 8 año (Eerste y Tweede klas di scol basico). Cada scol lo ser acerca y a duna nan tur ekipo necesario pa por organisa un competencia di kickball entre teamnan, consistiendo di mucha di Eerste y Tweede klas. Tur scol cu participa lo ricibi nan paquete comienso di e año escolar nobo te cu dia 24 di augustus.

Na final di september cada scol lo mester organisa weganen na nan scol pa saca e team cu lo representa e scol na e weganen pa campeón di region. Riba e weekend di 6 y 7 di october lo tin e torneo di kickball. Diasabra 6 di october lo tin e campeonnan regional y diadomingo 7 di october e scol campeon di Aruba lo wordo saca.

Pa por organisa e competencia di kickball cada scol lo ricibi bala, regla y tur ekipo necesario, cortesía di bateria Panasonic.

Cada ekipo ganado di nan distrito lo ricibi nan t-shirt pa competi den e campeonato nacional. E ganador di cada scol lo participa den weganen regional y e ganador di e 4 regionnan lo competi pa campeón di Aruba. E 4 regionnan (Noord, Oranjestad, Santa Cruz y San Nicolas) cada un lo tin e

cantidad identico di scol cu lo participa pa campeon.

E scol di e team campeon nacional lo ricibi un certificado pa compra ekipo di deporte na balor di Aflu. 1000,- di dos lugar lo ricibi aflu. 500,- y di tres y di cuater lugar cada un lo ricibi aflu. 250,-. P'esnan interesa den compra e bala di kickball, esaki lo ta obtenibel pa aflu. 14,- y cu cada compra lo ricibi un copia di e regla di kickball.

Kickball ta un wega sumamente leuk pa hunga y ta parecido na baseball, pero e bateo ta sosode cu pia dor di skop e bala enbes di dal'e cu bate. Kickball ta wordo hunga entre dos ekipo, consistiendo di cada un di 9 hungador y cada ekipo ta purba di score mas careda dor di core e 4 basenan mas biaha cu ta posibel.

E pitcher di e ekipo cu ta filia ta lora e bala riba vloer over di home base y e kicker (esun cu ta na turno pa skop) tin cu skop e y core e base nan.

Mayoria regla ta mescos cu baseball, pero algun ahustacion ta haci'e mas agradabel pa hunga. P.e., tin un zona prohibi pa para aden tanten cu e kicker no skop e bala.

Por tira e bala y e dal un di e coredornan si nan no ta mishiendo e base y nan ta out. No ta sisti homerun y si e bala pasa e largura di e veld e ta conta como foulball.

T'e speranza di Circle K cu mescos cu na Aruba 'Mens Erger Je Niet' a bira un wega popular hunga pa tur adulto den diferente bario, cu nos proyecto lo t'e chispa cu lo motiva adulto pa cuminsa competencia di kickball rond Aruba tambe y crea actividad fisico y movecion den nos comunidad.

Por ta cu banco, oficina di Gobierno, accountants etc. por cuminsa challenge otro 2 pa un wega. Tur hende cu ta interesa den e reglanan, lo por tuma bishita e facebook page di "Aruba Kids Kickball Tournament" y di "the Circle K Club of the University of Aruba", por mail nos na circlek@ua.aw of yama nos na 592-7701 of 560-5297.



Parlamentario Michael Lampe

Di desaroyo y progreso pa pakete di medida y decepcion cu disgusto

“E decepcion ta grandi den comunidad y por sinti cu ta reina un disgusto grandi den pueblo pa bida di tur hende cu a tuma un rumbo menos positivo desde cu Gabinete Wever Croes a introduci un pakete di medida sin piedad contra di pueblo.

Tur caminda, den tur sector por scucha con pueblo ta sclamando pa maneho di un Gobierno cu no tin maneho pa sirbi interes di pueblo, pero si tin interes pa cumpli cu famia y amigonan, sostenedor y sponsor di partidonan den Gobierno. E disgusto ta sigui crece pa un Gobierno cu a priminti asina hopi cos positivo ora cu nan a drenta Gobierno, awor ta creando caos y disgusto grandi pa motibo cu practicamente riba tur tereno, placa di pueblo ta birando menos.

Fuera di e pakete di medida Gobierno tambe a anuncia solucion pa problemanan social, a maluzar un caso lamentabel di dos criatura pa sirbi nan interes politico, pero awor cu nan ta den Gobierno, cu nan ta Minister, ainda pueblo ta sperando kico ta bay wordo haci riba tereno social.

A pone un suma di 17 miyon riba presupuesto 2018 pa atende cu problemanan social, pero fuera di e emplea cantidad di hende den e sector aki, pueblo mes no ta mirando cu algo ta wordo haci y solamente por scucha gritonan emocional di e gobernantenan cu mester alivia e problemanan aki.

A priminti solucion, a sigura pueblo cu lo atende cu e asuntonan aki, pero pueblo ta mirando cu esaki no ta tumando lugar, caminda pa cuminsa durante di 8 aña, for di tempo cu AVP a drenta den Gobierno.

AVP a bin haya un caos financiero, un caos social y educacional na 2009 for di Gobierno di MEP, Gabinete Nelson Oduber, cu a laga un debe mescos cu tur otro Gobierno anterior cune, pero for di prome momento Evelyn y MEP a cuminsa cu tin un mega debe y e forma



cu MEP kier soluciona esaki, y cual nan tabatin 8 aña gritando den tur skina, ta cu nan lo soluciona esaki sin cu mester tuma medida, no por mira algo positivo ainda.

Un Gobierno cu tin casi 10 luna den gobernacion, ainda ta buscando solucion pa cosnan cu nan a bisa cu nan tin solucion, pero ta mas cu claro cu e incapacidad pa atende seriamente cu interes di nos pais, di nos pueblo, simplemente no ta existi.

Na vispera di presupuesto 2019 por ripara cu net nada a ser logra den e prome 10 luna di gobernacion y solamente a crea un situacion delicado pa henter comunidad, pa economia di e pais y riba practicamente tur otro tereno.

Ocho aña largo e vision di MEP den

oposicion tabata di atende cu e mega debe sin medida y den tur debate politico prome cu eleccion cu a tuma lugar, por a scucha Evelyn Wever Croes bisa especificamente con e ta bay soluciona esaki.

Sinembargo kico pueblo ta mira ta pasando, ta cu e mesun politiconan cu a cana preocupa den Caya Betico Croes, preocupa p’e negoshinan, practicamente tur a biaha den e vacacion escolar cu tin pa exterior pa haci nan compras, lagando centro di ciudad bandona y sin bira activo cu e comerciantenan pa busca un solucion pa loke ta pasando.

No ta cooperando pa promove benta pa muchanan bay scol bek y pueblo ta keda na merced di su mes, caminda awor cu Gabinete Wever Croes a ranca placa for di su cartera, no ta brindando ningun sosten adicional pa yuda esnan di menos entrada, pa atende cu costo di educacion di nan yiunan.


Sinembargo tur caminda por mira hendenan ta wordo nombra, pa colmo hendenan cu tin un pasado caba cu e partido di MEP y como gobernante di MEP, kendenan ta gosando di un entrada di pensioen lucrativo, pero awor ta haya un extra entrada den cualkier hunta di directiva di compania di Gobierno.

Pueblo tin cu soluciona su propio problema di menos placa, placa cu nan tin cu duna Gobierno dor di otro pakete di medida cu Gobierno di MEP a impone riba pueblo, na lugar di bin cu solucionnan cu nan a priminti.

Sinembargo ta manera cu Minister di Enseñansa a declara siman pasa, cos ta malo y lo bay bira mucho mas malo den tempo nos dilanti ya cu su Gobierno tin atencion pa su hendenan, pa su sponsornan, pero no pa pueblo,” Michael Lampe di fraccion di AVP ta mustra.



E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: *"Ami Kier Abona"*

Like nos riba facebook

Keda "up to date" y like nos riba facebook
www.facebook.com/awemainta



Subi riba nos website

www.awemainta.com

AWEMainta completamente

DIGITAL